



सानसेयारि "बड'सा" खीरालाइयाव  
अमाज्यादि जिउजो लोब्बा थानाय रायथाय, अन्थाय,  
अल', अल'बाथा आरो हावबायादि थावनि, पार्क  
बाइदिनि सायाव लिउनाय लिउबिबां हैथाय ठर/  
सानसेयारि "बड'सा" खीरालाइया अवेब्रानावै  
फोसावगोन।  
बड'सायाव लिउठरनायनि हुवा खालाम,  
"बड'सा" खी नौथां, जौ बयबो आंगो खालाम।  
सानसेयारि बड'सा मावखुलि  
माइबं नोगोर, जोहोलाव देमालु लामा  
कक्राझार, बिटिसि-783370  
Website: www.bodosanewspaper.com

BODOSA ★ A Bodo News Daily ★ Thursday ★ 14 December, 2023 Kokrajhar, BTC, Assam ★ Vol.- 33, Issue No. 258 ★ R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

## जौ जौनि थांखियाव जाफुंसारनो हादों: प्रमद बर'

कक्राझार, 13 डिसेम्बर: कक्राझार सोहरनि 5 कि:मि: जान्थायाव थानाय सान्दामारिनि बड'फ। कालासारेल कमप्लेक्सयाव दिने बिटिआर सरकारनि 3 बोसोरारि खुंथाय आबुं जानाय फोबोखौ गाजा-गोमजायै फालिनाय जायो। बे हाबाफारियाव बिटिआरनि गाहाइ मावफुं सोद्रोमा एबा इडपिपिएल दोलोनि आफादगिरि प्रमद बर'आ बाहागो लानानै बुंथियोदि, जौ जौनि थांखियाव जाफुंसारनो हादों। नाथाय बेखा दोलोआ मोजां खुंथाय होनो फेमाल जादों होन्नानै अजद देखांबाय थाग्राफोरनि सायाव सोंथि खालामनो गोसो जायो होन्नानै बिथाडा बुंथियो। बिथाडा



बुडोदि, जौनि थांखिखौ बिसोरो मिबथियो नामा ? जुदि बिसोरो

ए पि एस सि केलेंखारिजों लोब्बा थानाय सानै ए पि एस बिबानगिरिखौ सिटआ जिम्मायाव लाबाय



गुवाहाटी, 13 डिसेम्बर: बारग' एपिएससिनि सियारमेन राकेश पालनि बिबान सामलायनाय समाव आइन बेरेखायै एबा रां होन्नानै साखि लानाय सुबुंफोरनि सायाव सरकारआ दासिमबो नार्यबिजिगासिनो दड। मख'नो गोनांदि, दिने बृहस्पतिबागव सिटनि बिथोन बायदियै सानै एपिएससि अफिसारफोर फारियै- नितुमनि दास आरो ऋतुराज दलेमोनहा कट्यैव नुजाथि हैनो गोनां जादों। मख'नो गोनांदि, एपिएससि आन्जादिनि बिलाइयाव नंखायै नितुमनि दासनि नम्बरखौ बारयानानै (□ 5 बिलाइआव)

साडुबार क्राइमजों लोब्बा थानाय सा 20 सुबुंफोरखौ पुलिसआ हमदों

गुवाहाटी, 13 डिसेम्बर: मरिगाव पुलिस हान्जाया मोनसे संगालि सुलुंखौ बिथा खालामनानै लाहिरिघाट आरो मयराबारि पुलिस स्टेसननि मोन 15 थावनिथाव सिग्रोमनानै सा 20 सुबुंफोरखौ हमनो हायो। बिसोरनिफ्राय नंखाय आधार कार्ड, पेन कार्ड, सिम कार्ड, लेपटप, मबाइल फनफोरखौ जब्द खालामनो हायो। पुलिसनि सुलुंडाव फोरमायथिनाय बायदिब्ला (□ 5 बिलाइआव)

मादारबारि दालाइसा एबसुनि खुंगा 32थि बोसोरसालिया जथुम्मा खुंदों बर' हारिया जेब्ला अलखदिनि सम सफैयो अब्लानो एबसुआ रैखाथि होयो: बिजित गोरानार्जारि

तामुलपुर, 13 डिसेम्बर: तामुलपुर दख'रा एबसुनि सिखव थानाय मादारबारि दालाइ दुलाराय बर' फरायसा आफादिनि खुंगा 32थि बोसोरसालिया जथुम्माया सान्जा मादारबारि जगन्नाथ थानसालि गेवलां गेलेग्रा फोथाराव साननैनि मेहेरगोनां हाबाफारिजों खुंजाबाय। दिने नैथि एबा जोबथा साननि हाबाफारि बायदियै फुंबिलि समाव आर'ज गाबनाय, फिफिला बिरहोनाय, बिफां



फुलि गायनाय हाबाफारिनि उनावनो बेलासि समाव मादारबारि दालाइसा एबसुनि आफादिगिरि भीमसिं

फैगौ 16 डिसेम्बरखालि खाग्राबारि दख'रा एबसुनि खुंगा 41थि जथुम्मा खुंनो साखा-फारा

उदालगुरि, 13 डिसेम्बर: उदालगुरि जिल्ला दुलाराय बर' फरायसा आफादिनि बेखेनाव थानाय जिल्लानि सोनाब जिं सिमा मैखोम बर' ओन्सोल खाग्राबारि ओन्सोला। खाग्राबारि ओनसोला हारिमुवारि, दोहोरामारि, रांखान्थि, राजखान्थि आरो गेलेमु बायदि बिथिडव जेब्लायबो गावखौ सिनायथिजों लोगोसे मुं लाखिबोनो हादों। बे गासैबो बिथिनि जौगाथायनि आन्दोयाव खाग्राबारि दख'रा दुलाराय बर' फरायसा आफादिनि मैखोम



आखाय दं । बर' हारिनि सिनसि आफाद एबसु एबा खाग्राबारि दख'रा दुलाराय बर' फरायसा आफादिनि खुंगा 41

थि जथुम्माखौ दख'रा आफादिनि सिखव थानाय उदालगुरि जिल्ला सोनाब सिमनाजिं आरो तामुलपुर जिल्ला फोनांजाव

दैमाजिं जावरिखां फोथाराव सोलिफु डिसेम्बर दाननि फैगौ 16 खालाराव सानसेनि हाबाफारिजों मोनसे मेहेर गोनां समाइना-रमायनायै खुंजानो थांगासिनो दं। बे हाबाफारिखौ जाफुंसार महर होनो थाखाय बे समाव दख'रा आफादजों दानानै होजानाय बान्जाय आफादिनिफ्राय आफादिगिरि आरो गाहाइ नेहाथारिनिफ्राय लानानै दैमाजिं गामिनि गासै राइजों-राजाफोर सान-हर मनाय थाद'नाय गैया जासे खामानि (□ 5 बिलाइआव)

इम्फल, 13 डिसेम्बर: दासान्दि मनिपुर राइज्योयाव आफ्रिकानि स्वाइन फ्लुआ गिथावना महरें गोसारदों। दासिमाव मनिपुर सरकार बे फ्लुखौ नोजोर होन्नानै मा 1,781 अमाफोरखौ बुथारबाय। सासे गोजौ थाखोनि मावख'गिरिआ दिने बुधबागव बुंथिनाय बायदिब्ला राइज्योनि गुबुन गुबुन जायगायाव थानाय अमा फार्मफोरनिफ्राय मा 1647 गुबुन गुबुन जाथोनि अमाफोरखौ ओन्सोल्नि बाजारव फानाय जायो। बेखौ फानानै 55 कौटि रां आर्जिनो हादों। मख'नो



गोनांदि, राइज्यो सरकारआ मावख'गिरिनि गेजेरजों 13 अक्टबर 2023 निफ्राय 12 डिसेम्बरसिम आफ्रिका स्वाइन फ्लुजों सन्देरजानायखौ बुथारदोंमोन। मनिपुर सरकारनि

जुनात फाहामथाय बिफाननि जुथाय डाइरेक्टर डा: आरके कनेनन्द्रजित सिंसा बुधबागव फोसावनाय मोनसे भिडिअनि गेजेरजों फोरमायदोंदि, जुनात फाहामथाय बिफानआ थानाय 3 दाननि गेजेराव गासै मोन 35 अमा फिसिग्रा मिह एबा पार्म आरो 433 गामिफोरारव आफ्रिका स्वाइन फ्लुजों सन्देरजानायखौ सिनायथिनो हायो। बिथाडा बुडोदि, मोन 33 अमा फार्म आरो बेनि खाथि-खालायाव थानाय सन्देरनायखौ (□ 5 बिलाइआव)

पार्लियामेन्ट जथुमफुनाय समाव हरखाबै सानै सुबुंआ हाबनानै दुंहाव थासारि सोमजिहोदों

निउज डेक्स, 13 डिसेम्बर: पार्लियामेन्टनि गोजां बोथोरनि जथुम्माया सोलिफुबाय थानाय समावनो हरखाबै सानै लाइमोनआ लकसभायाव हाबहेनानै दुंहाव थासारि सोमजिहोनाय जाथाय लाबोयो। बबेखानि रैखाथि हान्जाया सानै लाइमोनखौ हमो। सुलुंडाव फोरमायथिनाय बायदिब्ला फिसोर सानै लाइमोनआ भिजिटस गेलारिनिफ्राय बाजुमदेरनाय आसामनि सासे एमपिआ



जोखोम जायो। हरखाबै बिसोर सानै लाइमोनआ भिजिटस गेलारिनिफ्राय पार्लियामेन्टनि जथुमआ सोलिफुबाय थानाय समावनो हाबफैनायनि जाथाय सोमजिनायनि संदननि सोरगिदिं खाररलुं-खारसि थासारि (□ 5 बिलाइआव)

हाग्रामाया 17 बोसोर खुंथायाव थानानै मोनबो रोखोमनि आइन दाफुंनो हायाखै: उखाव

जौगाखां भारत संकल्प यात्रायाव बाहागो लाफैदों कक्राझारनि बिबानाव थानाय मन्थि इउजिआ


कक्राझार, 13 डिसेम्बर: आथिखालाव इउपिपिएल दोलोआ सानफा-एफा गोखों जाबोगासिनो दड। बेनिखायनो गुबुनआ मा बुडो मा सावरयो बेनि सायाव सानांगो जेबो गैया होन्नानै मन्थि इउजि ब्रह्मआ गोखों रावजों बुडो। इउपिपिएलआ गाव हारसिडेनो नाजानानै दोलोखौ गोखों खालामगासिनो दड। बे रोखोमैनो बिजेपि दोलोआबो दोलोखौ बिटिआर ओन्सोलयाव गोखों खालामनो नाजगासिनो दड होन्नानै इउजि ब्रह्मआ बुडो। बिथाडा बुंवावयोदि गासैबो दोलोयानो गाव-गावसोरनि दोलोनि गोखों खालामनायनि मोन्थाय दड। बिपिएफआबो गावसोरनि दोलोखौ गोखों खालामगासिनो। आं माब्लाबाबो बुडदि, बिपिएफआ जिगयना थाथों आरो



गुबुन दोलोफोराबो बेयावहाय ओंखारबोथों, बेयाव बुंनो गोनां जेबो गैया होन्नानै मन्थि इउजि ब्रह्मआ देबरागवायव खुंनाय जौगाखां भारत संकल्प यात्रायाव बाहागो लानानै बे बाश्राखौ बुडो। बिथाडा बुंवावयोदि, फैगौ समाव इउपिपिएलआबो बिटिसिखौ दखल खालामगोन। जौ बयबो खावलायदों कंग्रेसयाबो बुंथों आरो सिपिएमयानो जाथों एआइइउडिएफयानो बुंथों हाग्रामा महिलारीआबो बिटिसि दखल खालामनो नाजगासिनो दड। बेयो राजखान्थिनि धोराम। मख'नो गोनांदि, आसाम राइज्योयारि बिजेपि आफादिगिरि भबेष कलिताया फैगौ समाव बिजेपिआ बिटिसिखौ दखल खालामगोन होन्नाय बाश्रानि (□ 5 बिलाइआव)

62 बिघा पापर बिफानि आबाद मावनानै बगा राज बसुमतारिआ जाफुंसारनो हादों

जनाइ, 13 डिसेम्बर: जनाइ ओन्सोलनि गोगलैसोनाय गामिनि सासे बर' सुबुंआ पापर फिफां आरो सबाय आबाद मावनानै जाफुंसारनायनि लामायाव थारैनो बाश्राय सैथो, खस्ट खालामोब्लासो खामानि मावनायनि फिथाइखौ मोनो हायो। आबादारि बगा राज बसुमतारि बिथाडा बेनि फोरमानखौ दिन्थदों। धेमाजि जिल्ला जनाइ महकु मानि सिडव थानाय गालि सिखारि पन्वायटनि माजियालि सित्रनगर गामिनि बगा राज बसुमतारि बिथाडा जनाइनि बर' होन्नाय



गामिनिफ्राय दै बानाजों हा खुरखा जानानै गोबां आबाद मावनाय आबाद थिलिफोरखौ आलाय-सिलायै नागारनानै फेनो गोनां जादोंमोन। नाथाय बिथां बगा राज बसुमतारिआ जनाइनि

मनिपुराव आफ्रिका स्वाइन फ्लु सन्देरनायनि मा 1,781 अमाफोरखौ बुथारबाय

## सुजुगिरिनि खोलोम

## गोजोननि लामा

जौगानाय गैयाबोला गोजोन फैया, बेराफासै गोजोन गायसन्नो हायोब्लासो गोजोन, अनज्जलानाय, खौसैथि आरो जौगानायनि लामाया स्रं नुजाफैयो आरो बेनि फिथाइखौ सुबुंफोय मेगननि नोजोरजौ रोखा नुनो मोन्नाय जायो। बाध्राखौ फारसैथिबो गोरबनायखौनो नुनो मोनो। जैरैबो-जेरावबो जौगानाय गैयै, गोलैसोनाय, नायसन जायै, फारफ्रोम बिथिडवबो उनफिनानै थानानाय ओन्सोलाव एरैनो गोजोन फेगोनखौ सिमाडवबो नुनो हाया। बेराफासै गोजोन गैयालासै जौगानाय फैनाय एबा लाबोनायखौबो सान्नो हाया होन्नायै सावरयनाय नुनो मोन्नाय जायो। गुबैयै जौगानायनि लामा दिन्थिनो आरो गोजोन लाबोनायनि राहाफारि आजावनाय राइजो-राजा सुबुंफोरनो जौगानाय आरो गोजोननि मिजिंथि, फोथार्यथि लाबोनाय हानायजौसो ओन्सोल आरो राइजोफोरव गोजोन आरो जौगानाय लाबोनाय हानायनि लामाखौ नुहरो। हारिनि मोन्नागौ दाबि-दावा, गांनय-उखैनायफोरखौ सुफुंनयनि लामा फैनाय गोलव बोसोर सुबुंले आरो दुंदुहाव थासारियाव गफनानै थाबाय थानाय ओन्सोलाव गोजोन फैनाया जाथवन। आथिखाल बे थासारिखौ जौनि बिटिआर ओन्सोलाव नुनो मोन्नाय जादौ, बेखौ नंखाय होन्नायै बुंनो हाया। राजखाथियाव जाथवनया जाथवै, जाथवैया जाथवनबो जायै थाया। बेरेखा दोलोया खुंथाय दोलोनि सुबुं अन्साइ हाबा-हुखा मावनाय, गोजोन गायसन्नाय, जौगानाय लाबोनाय थार हाबाफोरखौबो राजखाथिनि सार्थयव नड एबा जायाखै होन्नायै बेरेखा खालामनाय जौ नुनो मोन्नाय जायो। जौनि सुबुंखाथि हदत भारतनि पार्लियामेन्टआव बाइदिसिना आयदाफारिखौ लानानै सावरयनाय समाव बेरेखा खालामनायनै राजखाथि गेलेलानाय जौ नुनो मोनो। गोहोयाव थानाय समाव राइजो-राजा सुबुंफोरनो जैबादि बाध्रा बुनाय जायो, -बिन्दि बाध्राखौ बेरेखा दोलोयाव गसनानै बुनाय नड, बेखौबो जौ नुनो मोन्नाय जायो।

सोलिबाय थानाय गोजौ बोथोरनि पार्लियामेन्ट जथुमनि समाव गुबुन गुबुन आयदाफोरजौ लोगोसे जम्मु-काश्मीरनिफ्राय धार 370 दफाखौ अराय समनि थाखाय बोखारनायखौ लानानै सावरयनाय, दान्ये-बिदानी जालायनायखौ जौ बयबो नुनो मोनबो। दरसे हदतआव दरसे राइजोनो जर'खा राइजोनो मान होनाय, मोन्ने फिर्फला, मोन्ने संबिजिर थानाया जाथवन नड। बे राहाखौ अराय समनि थाखाय बोखारनाय जाबाय। बे आयदाखौ लानानै नो बेरेखा दोलोया खुदिरिखानानै ओहो-रोहो बेरेखा खालामनाय जौ नुनो मोन्नाय जादौ। गोसो सिडव हामनाय-गोजोननाय मोनोब्लाबो राजखाथि सार्थनि थाखाय आरो गोहोयाव माबोरैबा फैनो हागोन बेनि राजखाथि गेलेनायनि थाखायसो बेरेखा खालामनायखौ राजखाथि भावथिना नड होन्नायै बुंनो हाया। राजखाथियाव सोलिनानै फैनाय खान्थि सोलायनायनि राजखाथिबो नुनो मोन्नाय जादौ।

बावैसो सिगां बिधान सभा बिसायख थियाव देरहासाद जानानै सरकार दानायनि लाहार-फाहार खालामनाय माखासे राइजोफोरव गिबि मन्थिनि मासिखौ लानानै जैना सोमजिनाय नुनो मोन्नाय जादौमोन। मासिखौ लानानै सोमजिनाय बे दावराव-दावसिया बेरेखा दोलोनि नोजोराव गोलैनायै सांखारिनाय मोन्नामोन। नाथाय बे थासारिया गोबाव सम जोरानै थानायखौ जौ नुनो मोनाखिसै। गिबि खेबनि थाखाय बिधान सभाआव सायख'जानाय बिजाथिखौनो गिबि मन्थिनि मासियाव फज'नानै गोजाम खाथिखौ फोजोबनानै सोमजिनाय जैनाखौ बोखानाय जौ नुनो मोन्नाय जादौ।

## दिनैनि फान्जामुधि

## राशि बाइदियै मुनि गिबि हांखो

मेघ : अ ल बुध : ऊ ब (उ ए इ) मिथुन : क छ (ड घ)  
कर्कट : ड ह सिंह : म ट कन्या : प ट (ण ष)  
तुला : त र बृश्चिक : ब न धनु : ध भ (ङ फ)  
मकर : ख ज कुम्भ : ग श (स) मीन : द च (ख ज झ)

मेघ: हरखाबै माबाफोर मुवा-बेसाद मोन्नो हागौ। गोजोननाय मोनगोन। मोजां सम।

बृष: जेखि जाया न'नि गोथार खामानि मावनानै लानो हागोन। बे राशिनि थाखाय गाहाम सान।

मिथुन: माबा मोनसे आसायै मिजिं थिनानै लानो हागोन। सान्नाया जाफुंगोन। मोजां सम।

कर्कट: दिनैनि दिनआव मानिना थाखाय खरट मोन्नांनो हागौ। गोसो हमाथानानै सोलिनांगोन।

सिंह: बे राशिनि थाखाय अशुभ सान। गोथार खामानियाव आगान होजेन्नो नाड। गोसोखौ हमाथा।

कन्या: माखौबा लानानै गिखानाय सोमजिनो हागौ। गोसोफोरखौ लोरबां लानो नाड।

तुला: नख'रनि जैना-जैसिखौ लानानै जिंजा सिनानो हागौ। गोजोननाय गैयैजौ सम बारहोनो हागोन।

बृश्चिक: माखौबा लानानै गोसोखौ गोजोननाय गैयै मोन्नो हागौ। जेखियानो जाया गोसोखौ हमाथा।

धनु: मावनाय-दानाय जेरावबो गोखौ नडै जालानो हागौ। सान्नायफोरा जाफुंनय नड।

मकर: जैरैबो सांग्रां जानानै थानाया गाहाम। जैनाफ्राव गोर्लैनो हागौ। थासारिया मोजां नड।

कुम्भ: जेखि जाया मानो गावखौ गाव थ'गायनानै लानो नाड। जैनायाव गोर्लैनो हागौ।

मीन: नख'रनि रां खर'सा खालामनांगौआ बांगोन। सानै-हयै रां बाहायनांगोन।

## सनानि बेसेना खमायलांसिनो दड

गोदान दिल्ली, 13 डिसेम्बर: इन्डियान बुलियन ज्वेलर्स एससिएशननि बायदिल्ला, 24 क्रेट सनानि बेसेना 10 ग्रामआव 61,020 रांसिम जादौ, जाय सिगाडव 61,452 रां मोनफ्रोम 10 ग्राममोन। सनाजौ लोगोसे रुफानि बेसेनाबो 71,000 रां किल'ग्रामाव दिदोम थादौमोन। सनानि बेसेना खमायनायनि गोहोमखौ सनानि रोखोमावबो नुनो मोननाय जादौ। चेन्नाइआव सनानि बेसेना 22 क्रेटनि 10 ग्रामआव 47,700 रां आरो 24 क्रेटनि 49,460 रां मोनफ्रोम 10 ग्राम। बेजौ लोगोसेनो 14 क्रेट सनानि बेसेना 10 ग्रामआव 39,360 रां जाहैबाय। सनानि गोथारथिखौ क्रेटआव सुनाय जायो। 24 क्रेट सनाखौ बयनिखइ गोथारसिन आरो 14 क्रेट सनाखौ बयनिखइ गहायसिन गुन होन्ना मानिनाय जायो। गेजेर हायुंआरि



थाखोआव, सनाया एसे जौगानायजौ आरो रुपाया एसे गहायाव फैनायजौ फालांगि खालामगासिनो दं। सनाया 0.16 जौखोन्दो एबा 3 डलार 1996 डलार से आउन्सआव फालांगि खालामगासिनो दंमोन। बे समावनो, रुफानि बेसेना 0.35 जौखोन्दो एबा 0.08 डलार गहायाव 22.93 प्रति औंसआव फालांगि खालामगासिनो दड। बिनि सिगां, गेजेर हायुंआरि सना आरो रुफानि बेसेना फ्राय समान जायो। फेडनि जथुमाव सुदनि हारनि थिरंथानि उनावसो सना

## 800 कौटि खरसा खालामनानै एसाल्ट राइफलफोर बायनायनि थांखि लादौ



गोदान दिल्ली, 13 डिसेम्बर : भारतयारि सान्थिफोर गोदान गोहो मोन्नो थांगसिनो दड। जौनि सान्थिफोरा गोलाव जान्थाइसिम गावहरया असाल्ट राइफलफोरनि खेपआ थाबैनो डिलिभार्ट जासिगोन। एलएसि आरो एलअसिनि आथिखालनि सेलेन्सफोरनि गेजेरजौ बे रायफलआ बबेबा ब्रह्मास्ट्रनिफ्राय खम जानाय नड। इउएस कम्पानिजौ जानाय रदायाव 70,000 राइफलफोरखौ बायनायनि खौसं मोन्नामोन। बे गोहोखौ मोनफुनायजौ सिमना बारनानै थानाय सुथुरफोरनि गोसोआ गिखानो हमादौ। बेबायदिया बेनिखायनो जादौ। मानोनो भारतयारि सान्थि आरो रेखाथि हान्जा पाकिस्तानआव थानाय उतखारि हाबाफारिफोरनि हें'थायै जम्मु काश्मीरजौ

## उतखारिफोरनि गाग्लोबनायाव सा 25 रैनियाफोरनि जिउ ख'हा जानायाव पाकिस्तानआ तालिबानखौ हुमखि होदौ

इस्लामाबाद, 13 डिसेम्बर: पाकिस्ताननि खैबर पखुनख्खा ओनसोलाव मोनसे गिदिर उतखारि गाग्लोबनायाव सा 25 रैनियाफोरा जिउ खोमानांदौमोन आरो गाग्लोबनायनि उनाव पाकिस्तानाव गोजोन गैयै थासारि सोमजिदौ। बेनि थाखाय पाकिस्ताना आफगानिस्ताननि राजथान्दखौ लिहर्दोमोन आरो गोबां नंखाय खोथा होदौमोन। पाकिस्ताना आफगानिस्ताननो मोनसे गिदिर सांग्राथि होदौ। गाग्लोबनाया खैबर पखुनख्खा हादरसानि डेर इस्माइल खानआव जादौमोन। तहरीक-ए-जिहाद पाकिस्तान (टिजेपि)आ गाग्लोबनायनि दाय लादौ। खौरनि बायदिल्ला, पाकिस्ताननि रैनियानि फोसावथाय गांख इन्टर-सार्विसेस पाब्लिक रिलेशन्स (आइ.एस.पि.आ.) आ बावैसो गाग्लोबनाय सा 25 रैनियाफोरनि जिउ ख'हा जानायखौ रोखा खालामदौ। आइ.एस.पि.आ. आ दाबि खालामदौमोनदि, बे गाग्लोबनायाव सा 27 उतखारिफोरोबो बुथारजादौमोन। तहरीक-ए-जिहाद पाकिस्तान (टिजेपि)आ गाग्लोबनायनि बिबान लादौ। पाकिस्ताना सानसेयावनो गोबां बिबानि



रैनियाफोरनि थैनायजौ सोमनांदौ आरो आफगान राजथान्दै थाप्रा फोथैनाय मिसन बुंदौमोन। गाग्लोबनायनि जाहोनाव जिल्लानि देहा फाहामसालिफोराव हरखाव जाब्रबथाय फोसावनाय जादौमोन। बे गाग्लोबनायजौ दुखु मोन्नायै पाकिस्ताना आफगानिस्ताननि राजथान्दखौ लिहर्दोमोन आरो तालिबाननो गोखौ सांग्राथि यदाव फोसावदौ। पाकिस्ताननि बायजोआरि मावख'आ बुंदौमोनदि, गुबुन हादोरारि नेहाथारिआ दिनैनि गिखैथव उतखारि गाग्लोबनायनि सोमोन्दै पाकिस्तानजौ गोखौ अजद दैखानो थाखाय आफगान चार्ज डी अफयेर्सखौ लिहर्दोमोन। आफगान चार्ज दि अफयेर्सखौ बेफोर बाध्राफोरखौ थाबैनो गेजेरारि आफगान सरकारनो फोरमायथि होनो थिन्याय जादौ।


## 2000 रांनि नटखौ सरकारआ बोखांनो लाफिनसिगोन

गोदान दिल्ली, 13 डिसेम्बर: भारतीय रिजर्व बैंकआ बे बोसोर एबा 2023 नि 19 मे दानआव भारतआ गावनि गिदिर बेसेननि मुद्रा नटफोरखौ बाहायनायनिफ्राय लाफिननो जागायसिगोन होन्ना फोसावदौ। आरिबिआइआ बुंदौदि, फोरमाननिफ्राय मोनथिनाय बायदिल्ला, बे बेसेननि नटखौ सरासनन्ना महरै लेनदेननि थाखाय बाहायनाय जायाखै। 2016 नि 8 नभम्बरआव जेब्ला भारत सरकारआ 500 रां आरो 1000 रांनि नटनिफ्राय लिगेले टेन्डरखौ बोखारना होयो एबा नट सोलायनायखौ फोसावदौमोन अब्ला बेनि गुबुन गोदान नटफोरनि अनगायै गलाब गाबआव मोनसे गोदान 2000 रांनि नटखौबो बाहायनो लाबोदौमोन। गोलाव समनि उनाव गिदिर बेसेननि बे नटखौ लानानै सुबुंफोरनि गेजेराव गोबां



थुलुंगाखानाया जादौ। जायखि जाया सुबुंनियाव 2000 रांनि नट थानाया मोनसे आलादा हमादांथिखौ हमादांहोदौ। मोनसे ओरैबायदि समआबो फेदौदि बे 2000 रांनि नटआ सरासनन्ना जिउ खुंनयाव जैना गोनांनो जादौ। मानोना लेन देनआव एसेबां गिदिर नटनि खुसा थानांगौआ जैना गोनां जादौमोन। लासै लासै सुबुंफोरा बेखौ बाहायनायखौ बाडइ खालामो आरो मोनसे समाव सरकारआबो बेनि

## करनानि गिथावनासिन महरखौ होबथानायनि थाखाय भारतआ गोखौ जानानै दड



गोदान दिल्ली, 13 डिसेम्बर: करना भाइरासखौ मख'नाय लोगो-लोगोनो मुलुगनाडैनि सुबुंफोरा बेखौ आरोबाव खेबसे फिन गोसारबावगोन नामा होन्ना गिखानां। मख'नो गोनांदि, करनाया गावनि आलादा-आलादा महरफोरव सुबुंफोरखौ जैनायाव खोखैयो। बेनि डेल्था आरो अमिक्रननि गोहोमखौ रावबो सुबुंफोरा बाउनो हाया। मुलुगनि आलादा-आलादा हादतफोराव करनाजौ मोगा-मोगि जानो थाखाय आलादा-आलादा भेक्सिनफोरखौ बाहायनाय जादौ। बे गासैबेनि गेजेराव आमेरिकानि एक्सबिबि पइन्ट 1.5 आ इन्भेक्सनजौ जुजिनो थाखाय करबेभेक्सखौ बाहायसिगोन। भारतआवबो 1.5 कौटि सुबुंफोरखौ बेनि ड्रफखौ होनाय जागोन। नाथाय आथिखालाव बेखौ भारतआवबो दिहुनसिगोन। बेयो मोनसे

इउनित भेक्सिन। बेखौ आमेरिकानि भेरिएन्ट एक्सबिबि पइन्ट 1.5 आव जर'खा मानिनाय जायो। बे भेक्सिनखौ केलिफोर्नियानि डाइनाभेक्स, बाइलर्ड कलेज अफ मेडिसिन आरो एमरिभिलेआ खौसैये दिहुन्दौ। भारतआव बेनि थामथि ड्रफनि क्लिनिके ल ट्राइलनि गनायथिखौ बिनाय जादौ। जुदि गनायथि मोनोब्ला बेखौ हादतआवनो दिहुनगोन। दासिमाव बेनि 1.5 कौटि ड्रफखौ भारतआव थुनाय जाबाय। क-भेक्सिनआ भारतनि भेक्सिन। भारत बायटेक आ बेखौ आइसिएएमआर आरो एनआइभिनि हेफाजावजौ दिहुन्दौ। क-भेक्सिननि दिहुन्थाया सरासनन्नायै थियारि जानानै फैबाय। बेयाव माखासे होबथानो हानाय भाइरासखौ

## धीरज साहुनि न'आव आइटी बिफानआ 351 कौटि नोगोद रां बोखांदौ

लहरदगा, 13 डिसेम्बर: रान्चीआव कंग्रेस एम.पि. धीरज साहुनि न'निफ्राय 351 कौटि रां मोन्नायनि उनाव इनकाम टेक्स बिफाननि हान्जाया न'नि सिडव हा जावनो थांखि खालामगासिनो दड। मंगलबार नि मोनाबिलियाव इनकाम टेक्स बिफाननि हान्जाया जिय'सांभिलेन्स सिस्टेम मेसिनजौ सौफेदौमोन आरो मिथिनो हायो दि न'सिडव जेबो सना एबा धातु दोनखोमानाय गैया। 6 दिसेम्बरखालि इनकाम टेक्स बिफाना टेक्स खवनायनि जाथायाव बौड डिस्टलरी आरो बिनि फोसावगिरिफोरनि सायाव सिग्रोमनाय जागायदौ। उडीशानि सोनाब बंगलजौ लडोआव धीरज साहुनि न'आव सिग्रोमनाय समाव आलमारिनिफ्राय दासिम 351 कौटि नोगोद रां बोखांनो हादौ। आथिखालाव इनकाम



जिय'मेसिनजौ आन्जाद नायो। गिबि सिग्रोमनायाव बे न'निफ्राय 11 कौटि रांनि नोगोद रां बोखांनो हादौमोन। रोंगसाफोरनि बायदिल्ला, जौनि खामानिखौ बांसिनै नोगोद रांजौ बाहायनाय जायो, बथलनि बेसेना 1000 रां अब्ला ट्राकआव खेबसेआव 50 लाखसो जौ ओंखारो। इनकाम टेक्स बिफाना बेखौ बिजिरगासिनो दडदि, धीरज साहु आरो बिथांजौ सोमोन्दो गोनां कम्पानिफोरा दासिम मोन्नाय नोगोद रांनिफ्राय बेसेबां खाजोनानिफ्राय बारग'दौ।



## प्रज्ञानानन्दजो लोकोसे माखासे गेलेगिरिफोरा द्रणाचार्य बान्थानि थाखाय नमिनेट खालामजाबाय

गोदान दिल्ली, 13 डिसेम्बर: चेसन फोथाराव गोदाने ग्रेन्ड मास्टर जानो हानाय आर. प्रज्ञानानन्द आरो बिथानि बिब' आर. भैशालिनि कच आरबि रमेशआ द्रणाचार्य बान्थानि थाखाय नमिनेट खालामजादों। ग्रेन्ड मास्टर रमेशआ चेसन जाफुंसारनाय गेलेगिरि महरै प्रज्ञानानन्द आरो भैशालिनि केरियार दानायवा गोबां बिहोमा होदों। रमेशनि अनगायैबो गुबुन सा 6 गेलेगिरिफोराबो बे बान्थानि थाखाय नमिनेट खालामजादों। हकी अलिम्पियान भिनित कुमार, 1998 कमनवेल्थ गेम्सनि ब्रन्ज मेडेलिस्ट बेटमिन्टन गेलेगिरि मन्जुषा कनवाल आरो एसियान गेम्सनि गल्ड मेडेलिस्ट काबाडी गेलेगिरि कबिताआ डियान चान्द लाइफटाइम एवार्डनि थाखाय नमिनेट खालामजादों। सुप्रिम कर्टनि जास्टिस एसएस कानभिलकारनि दैदेन्नायाव



जानाय नेसनेल गेम्स बान्थानि माराठन जथुम्मायाव द्रणाचार्य आरो डियान चान्द लाइफटाइम बान्थानि थाखाय नमिनेट खालामजानाय गेलेगिरिफोरनि सायाव मख'नाय जादों। बुधवारखालि जथुमनाय मोनसे मेलआव हादतनि देरसिन गेलेमु मानयारि बान्था मेजर डियान चान्द खेल रत्न आरो अर्जुन बान्थानि सायाव थांखि लानाय जागोन। सा 12 सोद्रोमानि

## इउपिनि नेहल आरो शशांकआ खेल इन्डिया पेरा गेम्सआव सनानि मेडेल देरहादों



गोदान दिल्ली, 13 डिसेम्बर: उत्तर प्रदेशनि नेहल गुप्ताआ खेल इन्डिया पेरा गेम्सनि एसएल 3 केटेगिरियाव बिहारनि उमेश भिक्रम कु मारखों 19-21, 21-7, 21-17 स्करआव फेजेन्नानै बेटमिन्टनआव सनानि मेडेल देरहादों। बे गेम्स इन्डिया 3थि सानआव आइजि स्टेडियाम आरो नेहेरु स्टेडियामआव बेटमिन्टन आरो ट्रेक एन्ड फिल्डनि मेचफोरा खुंजादों। आइजोफोरनि एसइउ 5 आव महाराष्ट्रनि नैथि रेंकिनि आरति पाटेलआ हारियाणानि लतिकाखों खेबथाम सेटनि मेचआव 15-21, 22-20, 21-8

स्करआव फेजेन्दों। हौवाफोरनि एसइउ-5 सिंगेल केटेगिरियाव हारियाणानि देब राठिआ गावनि राइज्योनिनो टप रेंकिनि हार्दिक मक्करखों 21-19, 21-19, 21-19 स्करआव फेजेन्दों। डब्लिउएस्स केटेगिरियाव इउपिनि शशांक कुमारआ सोनाब बंगनि अंकित प्रधानखों 21-7, 21-9 स्करआव फेजेन्नानै सनानि मेडेल देरहानो हादों। हौवाफोरनि उइल शेयार-2 केटेगिरियाव पान्जाबनि अबहारनि सन्जिब कुमारआ कर्नाटकनि मन्जु नाथखों 21-12, 21-7 स्करआव फेजेन्ना सनानि मेडेल देरहादों। एसएइस-6 आव तामिलनाडुनि पेरा एथलिट शुदर्शन एमएसआ दिनाघरन पिखों 21-16, 21-17 स्करआव फेजेन्नानै गिबि बान्थाखों देरहादों। तामिलनाडुनि नभिन शिब कुमारआ छत्तिसगडुनि अबिजित शकुजाखों एसएल-4 आव 22-20, 21-14 स्करआव फेजेन्दों। आइजोफोरनि एसएल-4 केटेगिरिनि फाइनालाव हारियाणानि ज्यतीआ आसामनि शिरंजिता भारलखों 21-9, 21-5 स्करआव फेजेन्दों। उइल शेयार-2 आव इउपिनि रुशि त्रीभेडिआ बिमुनि मेचआव कर्नाटकनि आनु महनखों 21-19, 21-18 स्करआव फेजेन्दों।

## वेटलिफ्टर मिराबाइ चानुआ एसियान सेम्पियनसिपनिफ्राय जानगाराव थासिगोन

गोदान दिल्ली, 13 डिसेम्बर: जोखोमआव गोलैनाय मिराबाइ चानुनि गेलेनाय फोथाराव बाहागो जाफिनगोननि सायाव दासिमावबो रोखा खों मोनाखें। जायनि थाखाय बिथाडा फेगौ बोसोरनि फेब्रुवारि दानाव जानो गोनां एसियान सेम्पियनसिपआव जोखोमनि थाखाय जानगाराव थासिगोन। अलिम्पिक सिल्वर मेडेलिस्ट चानुआ थांनाय अक्टबर दानाव एसियान गेम्सनि समाव मोन्नाय जोखोमनिफ्रायनो दासिमावबो मोजाडव फेनो हायाखें। बारस' वर्ल्ड सेम्पियन चानुआ 49 कि:ग्रा: लिथथयारि केटेगिरियाव




आइडब्लिउएफ ग्रेन्ड प्रिक्सआवबो मोनबो लिथथाइ दैखाडखैमोन। उजबेकिस्ताननि तास्कान्दआव 3-10 फेब्रुवारि दाननि गेजेराव जानो गोनां एसियान सेम्पियनसिपआव मिराबाइ चानुखों मोजा फीटआव फेफिनगोननि मिजिंथि लादों। चानुआ गावनिफ्राय एसियान सेम्पियनसिपआव बाहागो

एप्रिलसिम)आव बाहागो लानांगौवा गोनांथार जायो। बे मोननै टुर्नामेन्टनि अनगायै सासे वेटलिफ्टरआ 2022 वर्ल्ड सेम्पियनसिप, 2023 आरो 2024 कन्टिनेन्टल सेम्पियनसिप 2023 ग्रेन्ड प्रिक्स-1 आरो 2023 ग्रेन्ड प्रिक्स-2 निफ्राय जेखि-जाया खेब 3 टुर्नामेन्टआव बाहागो लानांगौआ गोनांथार। पातियालायाव रिहेबिलिटेसनजों समखों बारहोनाय चानुआ फेगौ बोसोरनि फेब्रुवारि दानाव आमेरिकसिम दावबायनानै ७ एन हर्सिजों हाबा मावनो आंखारगोन। बिथाडा 2020 निफ्रायनो चानुखों सुबुरुन होबोगासिनो दड।

## पुतिनआ हादोरनि संबिजिरारि सोदांनयखौ बाख्नायदों

मस्क, 13 डिसेम्बर: रासियानि हादोरगिरि भ्लादिमिर पुतिनआ मंगलबाराव हादरनि संबिजिरारि सोदांनयखौ बाख्नायदों। बे सोदांनया बिथांखौ 2036 मायथाइसिम गोहोआव थानो खाबु लाबोदों। संबिजिरारि बिजिरारिफोरजों मोनसे मेलाव बुंथिनानै पुतिनआ बुंदोंमोनदि, हादरनि सिडव आरो जौनि सोरगिदिं गोखेंयै सोलायबाय थानाय थासारिखौ नायनानै बिथांनि थाखाय आरोबाव मोनै समगान्थिनि थाखाय बिसायख'थि गेलेनायनि लामाखौ स्रां खालामनाय सोदांनया गोनांथार। 71 बोसोर बैसोनि



पुतिनआ संबिजिरारि सोदांनो थाखाय खेबने गावनि गोहोमखों बाहायदोंमोन जाहाथे बिथाड गोहोआव थानो हायो। बिथाड सिगानिफ्रायनो सभियेट तानाशाह जसेफ स्टालिननि उनाव बर्यनिखुइ गोलावसिन समसिम क्रेमलिननि दैदेनगिरि

बानायदोंमोन। पुतिनआ बावैसो समाव फोसावदोंमोनदि, बिथाड हादरनि गोजौसिन मासिनि थाखाय 2024 मायथाइयाव फेगौ बिसायख'थियावबो बाहागो लागोन आरो बिथानि देरहानया रोखा। बिसायख'थियाव बिथांखौ गोखों बिथानि जाथावना सावयगिरिफोर जेबथेसालियाव दडएबा गुबुन हादराव थागासिनो दड। उदां अपिनियन पोलनि बायदिल्ला, इउक्रेनाव रौनिया अपोरसन आरो मोनसे गावारि रौनिया कम्पानी येवगेनी प्रिग'इनि गहायनि बिग्रायनाया पुतिननि फोथायजाथावनायाव जेबो गोहोम खोख्खैनाय नुनो मोना।

## रंजालि गथ'फोरनि सौरा

### आं दिनैबो नोंखौनो नेनानै दं

आं दिनैबो नोंखौनो नेनानै दं नों फेफिनगोननि मिजिंखव नेनानै अरायसम नोंखौनो गोसोखानानै।

आं दिनै नोंनि थाखायनो फागला सान-हर मेगनाव उन्दुनाय गैया मेंनाय गैया आनि सोलेराव।

खन्थाइ लिरो नोंखौ लाना सिमां नुयो नों फेफिननाय मिनि लाडे लामानि सिखिरि सुबुड।

बोहैलानाय दैमानि निजोरायाबो रैसुमै रावजों आंखौ एदावलाडे जंखाय लाडे आनि मिजिं हाबिलाखौ।

जिउआव लायो आं गोदान थांखि दिनै नोंनि अन्थाइ बिखा आखुखौ लानानै इयुननि गोथार मिजिं हास्थायनानै।

गुबुनजों लोगोआव नुयोब्ला आं नोंखौ हाया आं दानदिसेबो बुहुमाव थावरिना थानो आब्रा गोसोआ हाखुंर जायो नों फेफिनगोनखौ नेनानै। आं दिनैबो नोंखौनो नेनानै दं।

-सोरांसार बाग्लारी  
बनगुरुम, उदालगुरि

### पिकु खन्थाइ

सिजौवाव दं बा सिरि सु

बाथौवा दं मोनबा बान्दो

बाथौनि मुं महिमा दं

सिजौनि सु सिरिबा दं

बर'फ्रा दं बाथौ बोसोन

बा बाथौ थौ जोबोर गोथौ

-रैदोम बर',  
माजदिया, बगुलामारि,  
बाक्स

## आंनि सिमां

सान्दोंमोन आं सासे हारिनि गेजेरावनो थरसे अलंबार हारिनि दावहार। आंनि सिमांआ गोजावदों अखोंरों बिखा गोजौयाव माथि मिथिया आय! सासे दैथायगिरि। सानसे बेलासे थिनानै दोन्नाय आंनि सिमां! हनै फिथिखानि फाखनाव सोनाब फासैआव। माथो दावबायलांवायसो बारहुंखानि बारनायाव सान्दुंनि दुंनयाव थावरिनो हायैनि आंनि सिमांया थैलांवायसो।

मुस्रि उत्तम कुंगुर नार्जारी  
गुरुदेव कालिचरन एकादेमी दतमा  
गामि- बेलगुरि  
ला:सो:- आप्लागाव।

### कलम आरो बिजाब

कलम आरो बिजाब हमरैनो जों सानैजों खौसे थारैनो, बुहुमाव जों सानैनि सिनायथि बांदोंसे सुबुनि गेजेराव रोंगैथि। बोथोर आरो बुब्लिन सोलायनाय मुलुगाव गोदान मुगानि गोसारनाय, खिलिदोंसे गोरान बिफाडवबो गोरलै बिथ'राइ कलम आरो बिजाब जों सानैजों सोलेंथाइनि गुदि आरो गोरलै बिथ'राइ। नुनायाव महरा जौनि ओंथि गैया रोडब्ला बाहायनो सुबुं माहारिया कलम आरो बिजाब महरै जोंबो बेसेन गैया, नाथाय, सोलेंथाइनि दाहाल-थुगि जौनो मुलुगाव सोरांनि लामाया जौनो। कलम आरो बिजाब महरै जों गरसे फेसानि बिखुं आरो बिखा बादि जों, कलम गैयाब्ला जेरै बिजाब बेसेन गैया बिजाब गैयाब्ला कलमखौबो बाहायनाय जाया थारैनो कलम आरो बिजाब जों सानैजों सासे। कलमाबो मोनबाय सुबुंनि अननायाव बायदि महर आरो गोजा, गोथां बायदि गोबां गाबनि बिजाब महरै मोनबाय आंबो गांसे बिलाइनि महर सुबुंफोरा लिरो बायदि खन्थाइ, रायथाइ, बाहायनानै कलमखौ बिजाबनि सायाव। दिडखौ जावनो थाखाय जेरैबादि बैथानि गोनांथि बिजाबाव लिरनो थाखाय जायो कलमनि गोनांथि, सुबुंफोरा लिराब्ला जुदि कलमजों बिजाबाव जानानै थागोन बिजाबा लांदां महराव जों थारैनो कलम आरो बिजाब महरै खौसे। नेवसिदोंब्ला जुदि जोंखौ सुबुं माहारिया मोननाय नड गोजोन इयुन जोलैया, हानाय नड गोसोनि सानखांथिखौ बेरखां होनो नुनाय नड बिसोर गावनि गोसोनि सिडव थाखोमानानै थानाय रोंगैथिखौ। सैथोनि बिगोमा आरो इनाय अनगारिनि हेंथा जों कलम आरो बिजाब जों सानैबो थैनो रोडेअमर, मोनदों जों महरखौ सुबुंफोरनि अननायावबो बाहायजादों जों सुबुं माहारिजोंनो। थारैनो जों कलम आरो बिजाब महरै खौसे कलम आरो बिजाब जों सानैजों सासे, कलम आरो बिजाब जों सोलेंथाइनि मोनसे कलम आरो बिजाब महरै जों जिउ मोनसे।

-जोंसार बसुमतारि  
6 नं सानतिपुर, गहपुर

### दुखुथिया

हांमा सुरहाब सुरहाब दिखार नांहाब नांहाब नों अनजालिनि दुखुया हाबाब अरायबो दुखुनि मोचिल्लब। आगोमा अनजालुखौ नागिरना दांग्रोम बायदोंमोन बेखायनो नागिरना, नाथाय अनजालुया खाथियाव गैया गाबज्रिबायदोंमोन गोबारै राव होना। संसारनि साथ जारलायाव गोलेबाय दुखुनि देंखोया रिजेनबाय, गारलांवाय अनजालुया अराय अनजालिखौ दुखुयाव गब' होना, नागिरना मोना अरायबो हाबाब दुखुथिया हांमा सुरहाब सुरहाब।


मुस्रि बिरदाव नार्जारी  
कामि- खारगाव, ला:सो:- खारगाव  
जिला- कक्राझार।

### हायेन

जौनि हायेन बेसेबां समायना आय हाबाब बेसेबां गोजोन, बेलारोम समाव सोनाबफा सान हाबदों दावमा दावसाफ्राबो रंजा-बाजा बिरलांदों गथ'फ्राबो बेलारोम समाव बिजाब फरायो बिजाब फरायखानायनि उनाव बिबौनि सल बाथा खोनासडे। हर खोमसि जायो आरो गथ'फ्राबो उन्दुयो दावमा-दावसाफ्राबो सिरियै उन्दुयो। आरो बिनि उनाव जारौ मारौ फुबिलि जाबोयो दावमा-दावसाफ्राबो रंजा-बाजा गोदें गारांजों मेथाय खनो आंनि गोसोआबो रंजानो गोसो जायो आय हाबाब बेसे समायना जौनि हायेनलाइ।

मुस्रि दैथुन नार्जारी  
गामि- औवाबारी, बिसपुरी।

## सरकारि मावसुमाफोरा गनायथि लाया जासे प्राइभेट फसंथानफोरनिफ्राय बान्था लानो हानाय नडा



**गोदान दिल्ली, 13 डिसेम्बर :** मिरुआ प्राइभेट फसंथानफोरनिफ्राय बान्था मोनग्रा सरकारि मावसुमाफोरनि सायाव गोदान बिथोन फोसावदों। गोदान बिथोननि बायदियै आधिखालाव प्राइभेट फसंथाननिफ्राय बान्था मोन्नायनि सिगां बेनि थाखाय अटरिटिनि खाथियाव सिगां गनायथि लाग्रानांगोन। बेनि उनावसो बे बान्थाखौं आजावनो हागोन। हाबाफारि बिफाना बेनि सोमोन्दैयै बुंदोंदि, बे रोखोमनि जायखिजाया गनायथिखौं सरसन्हा नडै थासारिफोरवल' होनो हागोन। बेजों लोगोसे बे रोखोमनि बान्थायाव जेबो रोखोमनि रंखाथियारि हेफाजाव होनायजों लोब्बा थानो मोन्नाय नडा। सरकारनि फारसेनिफ्राय बे बिथोनखौं औरैबायदि समाव फोसावदों जेब्बा बिफाना बेजों लोब्बा गोनां गोजाम नेम-खाथिफोरखौं फालियेनि अजद मोनो। बिथोनाव बुंबावदोंदि, जायखिजाया सरकारि मावसुमाफोरा बेबायदि बान्था लानो थाखाय गावनि मावख', बिफाननि सेक्रेटारि थाखोनि बिबानगिरिनि गनायथि लानांगोन। बिथोननि बायदिव्ला, गनायथिखौं सरसन्हा नडै थासारिफोरवल' होनो हागोन। बान्थायाव नोगोद रं नडाब्बा सुबिधा महरै जेबो रोखोमनि रंखाथिजों सोमोन्दै थानो मोन्नाय नडा। प्राइभेट फसंथानफोरा गात्रि रेकड थानो मोन्नाय नडा। मिरुआरि सिभिल सिबिथाइ नेम-खाथि 1964 नि मोन 14 नेम-खाथिफोरनि गेजेराव दडदि, जायखिजाया सरकारि मावसुमाया सिगाडव गनायथि लाया जासे जेबो बान्थाखौं आजावनो मोन्नाय नडा आरो मान बाउनाय जथुम्मा एबा हाबाफारियावबो बाहागो लानो हानाय नडा।

# ब्राजिलनि गिबि आइजोनि एक्स एकाउन्टआ हेक जादों

**ब्राजिल, 13 डिसेम्बर:** ब्राजिलनि गिबि आइजो रसांगेला लुला सिल्भानि एक्स एकाउन्टआ थानाय मंगलबार खालि हेक जायो। बिनि एकाउन्टनिफ्राय हेकारफोरा आइजोनि हेंथायै परस्ट खालामो। बे केसखौं ब्राजिल पुलिसआ नायबिजिरहासिनो दड। सिल्भाआ गावनि इन्सटग्रामाव लिरदोंदि, आं सानफ्रोमबो लाजिनांथाव गाग्लोबनायफोरजों मोगा-मोगि जानांगोसिनो दड। ऑनि एक्स एकाउन्टआ हेक जाबाय। बे एकाउन्टजों ऑनि हेंथायै आइजोफोरनि सोमोन्दै लाजिथावना आरो हिंसायारि खौरांफोरखौं परस्ट खालामदों। खौरांनि बायदिव्ला, 57 बोसोर बैसोनि रसांगेला सिल्भानि एक्स एकाउन्टखौं



समवारखालि हराव हेक खालामदोंमोन। बिनि एकाउन्टजों बिनि आरो फिसाइ हदतगिरि लुला दा सिल्भाखौं मिनिजाथाव माखासे लाजिनांथाव परस्ट खालामो। फार्सेथिं, हदतगिरि लुलाआ गावनि बिनिनि एकाउन्टखौं हेक खालामनायखौं सांखारिदों। बिथाड एक्सआव लिरोंदि, जों आइजोफोरनि हेंथायै बेबायदि जाथायफोरखौं सहायनानै थानो हानाय नडा। आइजोफोरा अनलाइननि गिबि मैहुर जायो। मख 'नो गोनांदि, रसांगेला सिल्भानि एक्सआव 1.2 मिलियन हास्थायगिरिफोर दड। ब्राजिलनि जुथाय पुलिसआ बुंदोंदि, बिथाड एक्सजों रसांगेलानि एकाउन्टखौं ब्लक खालामनो थिन्दों। लोगोसे पुलिसआ बे गासै केसफोरखौं नायबिजिनो जागायदोंमोन।

## रिंकु सिंनि गोख्रोडै दिन्थिफुंनयायनि उनावबो भारतीय टीमआ खोला आफ्रिकाजों जेब्बादों



**गोदान दिल्ली, 13 डिसेम्बर:** खोला आफ्रिकाया अखानि जाउनावबो नैथि टी-20

मेचआव भारतखौं 5 उइकेटजों फे जेन्दों। बे मेचआव आफ्रिका कानि के प्टेन एडेन

माक्रमआ टसआव देरहानानै बेलिं खालामनायनि थांखि लादोंमोन। भारतीय टीमआ

गिबियै बेटिं खालामनानै 19.3 अभासआव 7 उइकेट खहाजों 180 रान लादों। भारतीय इनिंसनि जोबथा अभासआव अखा हादों, जाउनाव भारतीय टीमआ बे इनिंसआवनो गावसोरनि गेलेनायखौं दोन्थ 'नादों। खोला आफ्रिकानो देरहानायनि थाखाय डाकवर्थ लुइस नेमखाथि बायदियै 15 अभासआव 152 राननि गोनांथि जादोंमोन। जायनि टारगेटआव आफ्रिकानि टीमआ गोरलैयैनो सौहैदों। बे समाव आफ्रिका कानि जानानै रिजा हेन्डिक्सआ गोख्रोडै दिन्थिफुंनो हेन्डिक्स आरो मेथ्यु ब्रिडसकेनि गेजेराव गिबि उइकेटनि थाखाय 41 सेयारि रान फेदों जायनि फारियाव मेथ्युआ 16 रान लादों।

बेनि उनाव माक्रमआ 17 बलआव 30 रान लादों, जायनि फारियाव खेब 4 ब्रै रान आरो खेबसे ड' रान लानाया दड। डेन्डिक्सआ 49 रान लानानै आउट जादों। बे समाव भारतनिफ्राय रावबो बलारआ मोजाडै दिन्थिफुंनो हायाखै। मुकेश कुमारआ बे समाव 2 उइकेट लादोंब्बाबो गासै 3 अभासआव 34 रान होदों। बिथांनि अनगायै महम्मद सिराज आरो कुल्दिप यादबआ 1-1 उइकेट लादों। बेटिंनि समाव सुर्या कुमार यादबआ गोख्रोडै बेटिं खालामनानै खेब 5 ब्रै रान आरो खेब 3 ड' रानजों 56 रानखौं 36 बलआवनो लादों।

बे समाव रिंकुआ 39 बलआव 68 राननि इनिंस गेलेदों। जायनि फारियाव बिथाड खेब 9 ब्रै रान आरो खेबनै ड' रान लानानै टी-20 इन्टारनेसेनेल मेचआव गिबि हाफ सेन्सुरि थिसन्दों। रंभिन्द्र जाडेजायाबो जोबथा अभासआव 14 बलआव 1-1 ब्रै आरो ड' रान लानायनि मदतजों 19 रान लाखिदों। रिंकुआ 2023 आव आयारलेन्डनि हेंथायै डेव्यु खालामदोंमोन। बे समनिफ्राय भारतनि जानानै गेलेनाय खेब 11 मेचआव बिथाड 248 रान लाबाय। जायनि फारियाव बिथाड खोला आफ्रिकानि हेंथायै टी-20 इन्टारनेसेनेल केरियारआव गिबियै हाफ सेन्सुरि लाखिदों।

( 1 बिलाइनफ्राय )

### जों जॉनि थांखियाव जाफुंसारनो हादों...

गोदान सोलायनायखौं बयबो मोन्दांनो हादों, लोगोसे मोनसे काउन्सिलखौं सामलायनायाव जैरेबायदि जेनाजों मोगा-मोगि जानांगों बेनि बागै साफ्रोमबो सोद्रोमाफोरनो बुजिनो मोनबाय होनानै मख 'यो। बिथाड बुंबावयोदि, थानाय 3 बोसोराव इडपिपिएल आरो बिजेपि जुथाय सरकार सोलौंथाय बिथिडाव थोजासे फोसाबनाय आरो आपग्रेडेसन खालामनो हायो होनानै फेगो 2 बोसोराव गावसोरनि खामानि मावनायनि रंगौथिनि सायाव आन्जाद लानाय जागोन होनानै मिबथिहोयो। गावसोरनि टीमआ बिटिआरआव जाहाथे फेगो समफोराव राइजो-राजाफोरनि गांनाय-उखैनायफोरखौं सुफुंगोन आरो बिटिसिनि रंखौं जानला-मोनला खामानियाव बाहायालासे राइज्योफोरनि जौगानायनि थाखाय बाहायनाय जागोन बेनि सायाव सानखानानै दिने बिटिसिनिफ्राय मोनसे एकाडेमिक सावरयलायनायबो खुंनाय जायो होनानै प्रमद बर'आ मिबथि होयो। बिथाड खौरांगिरिफोरनि सिगाडव बुंथिदोंदि, हाग्रामा महिलारीआ थानाय 17 बोसोराव खुन्दै-कम्बलनि राजखाथि खालामनायनि उल्थायै थानाय 3 बोसोराव खुंथायाव थानानै गोनांथि जानाय बायदि नोगोद रं अन्सुथाय होनानै सुबुंफोरनि थाना थानायनि मान-दान्दाखौं फोजौखानो हानायाव जाफुंसारनो हादों होनानै बुडे मसि बरआ। बेनि अनगायैबो 17 बोसोराव हाग्रामा महिलारीआ बिटिसिनि जौगानायनि मुडव लामा-दालां मोनबो बानायाखै। नाथाय इडपिपिएल दैदैन्याय जुथाय सरकार 3 बोसोरावनो 1 रोजा कि:मि: लामा बानायदों होनानै मख 'नायजों लोगोसे हाग्रामानि समाव 39 रोजा प्रधान मन्थि आवाज न'फोरखौं बानायदोंमोनब्बाबो बेफोर गासैबो आद्रा जानानै थादों। नाथाय इडपिपिएल खुंथायनि समाव 1 लाख 60 रोजा न'फोरखौं आबुडै बानायनाय जादों। निखावरि राइजो-राजाफोरखौं माबोरै सिबिनांगो आरो मा बायदियै बोजबनांगो बेनि सायाव हाग्रामा आरो प्रमद बर 'नि गेजेराव हा आरो अख्रानि फाराग दड होनानै बर'आ बुंथिबावयो।

मख 'नो गोनांदि, दिनेनि बे सावराय जथुमाव बिटिसिनि गुबुन गुबुन बिफाननि मावफुं सोद्रोमा, एमसिएलए, बिफाननि नेहाथारिफोरजों लोगोसे गोबां रंगौथि गोनां सुबुंफोरा बाहागो लाफेयो।

### हाग्रामाया 17 बोसोर खुंथायाव थानानै मोनबो रोखोमनि आइन दाफुंनो हायाखै...

सायाव गाग्लोबनानै आसामनि केबिनेट मन्थि इउजि ब्रम्मा खौरां बिजॉनि सिगाडव बे बाश्राखौं बुडे। बिथाड बुडेदि, गनतन्त्र हदतयाव मोनसे गाहाम गनतन्त्रनि गेजेरजों मोजां फिथाइ मोनो हागोन जैरे- 2020 नि बिसायख 'थियाव मोनबो दोलोयानो लोगो लालायाखेमोन। गासैबो आलादा-आलादायै बिसायख 'थि गेलेदोंमोन। नाथाय बिसायख 'थिनि फिथाइखौं लानानैसो जुथाय सरकारखौं दनाय जादों। बेबायदिनो 2025 नि बिटिसिनि बिसायख 'थिनि फिथाइखौं लानानैसो मोनफ्रोमबो दोलोयानो गाव-गावनि सान्याय आरो थांखिफोरखौं सोलायगोन होनानै बुंथियो। बिथाड बुंबायोदि, लकसभा बिसायख 'थियाव इडपिपिएल दोलोया जेबो जेना गैया। आधिखालाव कक्राझार लकसभा बिबाबनि थाखाय इडपिपिएल दोलोया बिजाथि फसंगोनब्बाबो मुंखौं फोसावनाय जायाखै। नाथाय दर-उदालगुरि बिबाबयाव बिजेपिया बिजाथि फसंगोन होनानै सावरायसोलायदों। बेबायदि थासारियाव जुथाय दोलोनि बिजाथियानो गोबां भटयाव देरसाद जानो हागोन होनानै मन्थि इउजि ब्रम्मा बुंथियो।

मख 'नो गोनांदि, जौगाखां भारत संकल्प यात्रानि कक्राझार जिल्लानि बिबानाव थानाय मन्थि इउजि ब्रम्माआ हाबाफारियाव बाहागो लानानै हाग्रामा महिलारीनि सायाव गाग्लोबनानै बुडेदि, बिथाड 17 बोसोर खुंथायाव थानानै मोनबो रोखोमनि आइनफोरखौं दाफुंनो हायाखै होनानै अजद दैखाडो आरो बुडेदि, आधिखालाव बिटिआर ओन्सोलायाव गोबां सोलायनाय फैबाय। बिथाड बुंबावयोदि, सोमावसागलासेनो तामुलपुर मेडिकल कलेज, पाग्लादिया दैसानि सायाव गंत्रे गेदेर-गेदेर दालांजों लोगोसे फरयसालिमाफोरखौं आपग्रेड खालामनाय जादों होनानै बुंथियो।

### मनिपुराव अफ्रिका स्वाइन फ्लु सन्देरजानानै मा 1,781 अमाफोरखौं बुथारबाय

होबथायनो थाखाय रिपिड रिस्पन्स टीमनि गेजेरजों सन्देरजानाय अमा आरो जुनातफोरखो बुथारनाय जादों। बे हान्जाया 23,694 कि:ग्रा: दानाखौंबो फबना दोनो आरो मा 1647 अमाफोरखौं बुथारनानै फबनाय जायो होनानै मिबथिनो मोन्नाय जायो। मावख 'गिरिया फोसामयथिनाय बायदिव्ला, जर'खायै अमा फिसिग्राफोरखौं एएसएफआव जगाजग लाखिनानै आफ्रिका स्वाइन फ्लुनि सायाव सांग्रां जानो थाखाय खावलायदों। बिथाड बुंबायोदि, अमा फिसिनानै गोबां रं आंजिनो हानाय बायदियै एएसएफ हान्जाया आबादारि एबा अमा फिसिग्राफोरखौं फोरोंथाय होनाय आरो सांग्रांथि होनाय हाबाफारि लागसिनो दड होनानै फोसामयथिदों।

( 1 बिलाइनफ्राय )

### पार्लियामेन्ट जथुमफुनाय समाव हरखाबै सानै सुबुंआ हाबनानै..

सोमजियो। पार्लियामेन्ट सिडव हाबनाय सानै लाइमोनआ ब्लु जेकेट गान्नायजों लोगोसे स्प्रेबो बाहायदोंमोन। लोगोसेनो बिसोरो जुथानिफ्राय स्प्रे दिहुनानै स्ल'गान होयो। जायनि जाहोनाव संसदयाव उखुन्दै खुर्लुजे। बिसोरनि बेबायदि दुथां आखु बाहायनानै संसदनि जथुम्मायाव उतरखार खालामनायनि जाउनाव संसदनि जथुम्मायाव दोन्थ 'नो गोनां जायो। दासान्दि माखासे एमपि आरो रैखाथि हान्जाफोरनि सायाव जाथार्यनि बागै जेरा खालामगासिनो दड। सुलुडव फोरमायथिनाय बायदिव्ला, संसदआव बे जाथाया सोलिबाय थानाय समावनो संसद भवननि मोखाडव ट्रेन्सपर्ट भवन फारसे स्ल'गान होनानै सासे आइजो आरो सासे लाइमोनआ स्प्रे गेसखौं हगारनानै होयो। नुनानै पुलिसआ सानैखौंबो हमथानानै दोनो। हमजानाय आइजोखौं हिसारनि (42) निलम आरो आमल (25) मोनखौं महाराष्ट्रनि लाटुनि होनानै मिबथिनो मोन्नाय जायो। मख 'नो गोनांदि, दिनेनि सानावनो 2021 माइथायाव उतरखारिफोरा पार्लियामेन्ट गाग्लोबदोंमोन आरो बे गाग्लोबनायाव मुंखलं जानायफोरनो मान बाउनायनि थाखाय गाहाइ मन्थिजों लोगोसे गोबां दैदेनगिरिफोरनो नुजाथि फेदोंमोन। गोजाम संसद भवनयाव जानाय उतरखारि गाग्लोबनाया दिनें 22 बोसोराव आगान होबाय। बे समावनो बे जाथाय सोमजिनाया रैखाथि राहायाव गुरुं जानायखौंनो फोरमायो होनानै सावरायनाय जादों।

### साइबार क्राइमजों लोब्बा थानाय सा 20 सुबुंफोरखौं...

बिसोर सुबुंफोरा साइबार क्राइमजों लोब्बा दडमोन होनानै मिबथिहोदों। पुलिसआ बिसोरखौं इन्डियान पेनेल कर्टनि आइन धारा बायदियै केस थिसनो। मख 'नो गोनांदि, थानाय दानावबो गुवाहाटीनि चानामारियाव साइबार क्राइमजों लोब्बा थानाय सानै सुबुंखौं पुलिसआ हमदोंमोन। बिसोरो फारियै मेहन्ड सान आरो राजिब सादना होनानै पुलिसआ फोरमायथिदों।

### 62 बिघा पापर बिफानि आबाद मावनानै बगा राज...

बिथाड गोबां खस्थनि गेजेरजों आबाद मावनानै जाफुंसार जाबेदों आरो बेबादियैनो सानै हौवसा गथ' आरो सासे हिन्जावसा गथ'फोरखौं मोजाडै फरायहोनो हाबोदों। मख 'जाथावदि, बिथांमोननि गोलेसोनो आन्सोलनि गामियाव राइजो-राजाफोरा खस्थ खालामनानै संसार जानायखौं रावबो खौरां लाफेयाखै बेनिखायनो गेजेर जनाइ दख 'रा दुलाराय बर' फरायसा आफादनि गाहाइ नेहाथारि जगेज गयारि बिथांनि हांग्रानाययाव खौरांगिरि बिथांमोना संदानहैयो। लोगोसे खौरांगिरिफोरनि सिगाडव आबादारि बगा राज बसुमतारि बिथाड माखासे गोबां गोनां बाश्राफोरखौं फोरमायो। जेराव जॉनि बर' सुबुंफोरा गावनि गोबां हा-हु थानानैबो आबाद मावालासे गुबुन गुबुन राइजोफोर अरुनाशल प्रदेश, केरेला, तामिलनाडु, बैफोर जायगायाव थानानै जिउ खोमनो गोनां जादों, बे बाश्राफोरखौंबो बिथाड दुखु मोन्नाय फोरमायो। बिथाड बुबावदोंदि, सासे सुबुंआ आबाद मावनानैबो गावनि जिउआव सासे जाफुंसार सुबुं जानो हायो आरो खस्थ खालामन्लानो खस्थनि फिथाइखौं मोनो हायो बे बाश्राफोरखौं फोरमायो।

( 1 बिलाइनफ्राय )

### ए पि एस सि केलेंखारिजों लोब्बा ....

होनाय जादोंमोन। बडाइगावनि एडिसेनेल एसपि (क्राइम) नितुमनि दासआ एपिएससिनि गुबै आन्जादयाव मोनथाम पेपाराव नंखायै नम्बरखौं बारायना होनाय जादोंमोन। नितुमनिआ इंग्रजि आयदादि पेपाराव गासै 48 नम्बर' ल' मोन्नो हादोंमोन। बिथाड राकेश पालनि अन्नायाव नितुमनिनि बे नम्बर बांनानै 148 जाहदोंमोन। बेनि अनगायैबो सोलौंथाय (इडुकेसन) आयदायाव नितुमनिया मोन्नो हादोंमोन गासै 49 नम्बर। बेखौं बांहोनानै 149 जाहदों आरोबाव समाज बिगियाननि गिबि पेपाराव नितुमनिया मोन्नो हादोंमोन गासै 70 नम्बर, बे 70 नम्बरखौं बांहोनानै 100 नम्बर खालामनाय जादों। गुबैयै बुंनो थाडेब्बा दासआ एपिएससिनि गुबै आन्जादयाव उधिसारनो हायाखैमोन। बिथांनि अनगायैबो गवालपारनि एडिसेनेल एसपि (क्राइम) ऋतुराज दलेनिखौं डेबुलेसन सिटखौं बांहोनानेन नम्बर बांसिन जादों। इडुकेसन आयदायाव बिथाड गासै 76 नम्बर मोन्नो हादोंमोन। बे 76 नम्बरनि जायगायाव बांहोनानै 122 नम्बर खालामना होनाय जादोंमोन आरो जारिमिन आयदायाव 127 नम्बर मोन्नो हादोंमोन। बेखौं बारायनानै गासै 147 खालामनाय होनाय जादोंमोन। गुबुन फारसेथिं नन्द बाबु सिंखौं सिटनि (एसआइटी) जिम्मायाव लासिगोन। फिसाजो मिनारभा देबिनि आन्जादयाव जिगरनायनि खौराड सोराडव फेनार्यनि उनावनो हरखाबै बेकडेयाव एपिएससिनिफ्राय आजिर लादोंमोन। नाथाय एपिएससिनिफ्राय आजिर लानायनि उनावबो नन्द बाबु सिंनि माखासे एपिएससिनि गोनांथार फोरमान बिलाडफोराव बिनि मुंसाइनायफोर थालांदों। बेराफारसेथिं राकेश पालनि बाश्रा बुंनाय बायदियै एपिएससि आन्जादनि गासैबो आन्जादखौंनो नंखायै सोलो बाहायनानै नन्द बाबु सिंआ बे आइन बरेखा खामानिखौं मावदोंमोन होनानै सिमान जादोंमोन। आधिखालाव सिटआ नन्द बाबु सिंजों लोगोसे नंखायै एपिएससि आन्जादयाव उधिसारनानै एपिएस बिबान सामलायनाय नितुमनि दास आरो ऋतुराज दलेमोनखौं जिम्मायाव लाबाय होनानै सुलुनिफ्राय मिबथि मोन्नाय जादों।

### मादारबारि दालाइसा एबसुनि खुंगा 32थि बोसोरसालिया जथुम्मा खुदों

समाव दुलाराय बर' फरायसा आफादआ थाव लुनानै आलारि बाथिखौं फोजों फिन्नायबायदि फोजों फिनहोदों। अदेबानि हारिया जेब्बा अलखदनि सम सफैयो अब्लानो दुलाराय बर' फरायसा आफादआ बर' हारिनि रैखाथि कबज बायदि बर' हारिखौं रैखाथि होबोदों आरो बर' हारिनि जौगाथायनि थाखाय खर' दैखाना खामानि मावबोदों। बुंनो थाडेब्बा दुलाराय बर' फरायसा आफादआ हारिनि सिनसि होना बिबुंथि लाखियो। बेनि अनगायैबो एमसिएलए बिजित गोरा नार्जारिया गेवलां मेलखौं बेखेवनानै होनाय सुंद' बिबुंथिनि गेजेरजों कुमारिकाता ओन्सोलनि मोनसे समनि थालाय-फैलाय लामा, हाथाइ-बाजार, लोरबां थासारिनिफ्राय दिनेंसिम जौगानायखौं फोरमायथिनायजों लोगोसे मेलखौं बेखेवनानै होयो। बे मेलावनो गाहाइ आलासि महरै बाहागो लायो मिरु दुलाराय बर' फरायसा आफादनि लोगो आफादगिरि रोमदोन स्वरगियारिआ। बर' हारिनि थामोन्था रैखाथि आरो बड'फानि आद्रा जानानै थानाय बर' माहारिखौं मुलुगाव गेरेमसा माहारि दानायनि सायाव मावथांखि हिसाबै लानानै खामानि मावबाय थानायखौं गुवारि फोरमायनानै होयो आरो बे मावथांखियाव गासै हारिखौंनो दुलाराय बर' फरायसा आफादजों थाफानानै सहाय होनो खावलायो। बे गेवलां मेलावनो तामुलपुर दख 'रा एबसुनि आफादगिरि बिमल बर'आ थांखिजानाय बुंथिगिरि महरै बाहागो लायो। लोगोसे बाहागो लाबावो तामुलपुर दख 'रा एबसुनि गाहाइ नेहाथारि बिपुल बसुमतारि, दरंगाजुलि ब्लक इडपिपिएलनि आफादगिरि राफेल दैमारिजों लोगोसे ओन्सोलनि गाहाइ फोरोंगिरि, आखाथि फोरोंगिरि आरो गोबां राइजो-राजाफोरनि नुजाथिनायजों मेलखौं मेहेर गोनां खालामो।

### फैगौ 16 डिसेम्बरखालि खाग्राबारि दख 'रा ...

मावनायखौं दिनेनि सानाव नुनो मोन्नाय जादों। फैगौ 16 डिसेम्बरखालि गेवलां मेल हाबाफारियाव मिरु दुलाराय बर' फरायसा आफादनि आफादगिरि दिनेन बर'आ गाहाइ आलासि महरै बाहागो लाफेगोनखौं बान्जाय आफादनिफ्राय ओन्सोलनि राइजो-राजाफोरनिमिम मिबथि होदों। लोगोसे खाग्राबारि दख 'रा दुलाराय बर' फरायसा आफादनि बे खुंगा 41 थि जथुम्मा हाबाफारिखौं ओन्सोलनि मेलेमजिबि गेदेमा सानथौगिरि राइजो-राजाफोरखौं लानानै सोलौंथाइ बिथिं, समाज खाथि बिथिं, रांखाथि बिथिं आरो समाज बरेखा खामानि मावनायनि सायाव दोहोराम हारि बासियाबालानो खौंसेथियै सावरायज्जलायनो थाखाय थि खालामनाय जादों होना फोरमायनायजों लोगोसे बे सानखालि बयखौंबो हाबाफारियाव बाहागो लाफेगोनखौं मिजिथिनानै बान्जाय आफादआ खामानि मावदों आरो दासिमाव गुजि जौखोन्दो खामानिफोरा जाफुंसार महर मोनबाय होनानै मिबथिहोयो। थानाय गोलाव समनिफ्रायनो बे हाबाफारिखौं जाफुंसार होनो थाखाय गावखौं बाउसोमना राइजो-राजाफोरा खौंसेथियै खामानि मावना मंगिलनाय देहाखौं खेबसे रंजानानै गोजोन होनो थाखाय बर' हारिनि जाखौंफु मुंदोंखा मेथाइ रोजाबगिरि धनन्जय बर' खौं हारिमु बिलिफांआव हांखायनाय जादों होनानैबो फोरमायना होयो बान्जाय आफादआ।

# भिककी कौशलनि बिखायाव तृप्ति डिमरीखौ नुनो मोन्दों

रणबिर कापुर आरो बबि देअलनि एक्शन ड्रामा सावथुन 'एनिमेल' आ बक्स आफिसआव दोहौ सोमजिखांहोंदों। सावथुननि रं आरजिनायाबो गोखैयै आवगयदों। सावथुनजों सोमोन्दो गोनां गासै फावगिरिफोरा गोबां बाख्नायजादों। बे फावगिरिफोरनि गेजेराव भाभि नम्बर 2 एबा तृप्ति डिमरीआबो सासे। 'एनिमेल'आव रणबिर कापुरनि लाभ इन्ट्रेस्ट जानाय तृप्ति डिमरीआ गावनि बल्ड सिननि जाहोनाव खौराडाव थादों। सुबुंफोरा बनि सायाव औरैबायदि जावलिया जादोंदि, बनि इन्साटाग्राम फलआसैआ 2 लाखनिफ्राय बांनानै 30 लाख जादों। इन्टीमेट सिनआ भाइरेल



जानायनि उनिनफ्रायनो तृप्ति फेन पलइंआ बांलांदों। बेनि गेजेरावनो फावखुंग्रिनि आरोबाव माखासे सावगारिफोरा सोराडाव फेदों, जेराव बिखौ रणबिरनि अनगायै भिककी कौशलनि बिखायाव नुनो मोन्दों। बे सावगारिफोरखौ माबेबा पर्टिन

नुनो मोन्दों। बिसोर सानैनि जराखौ गोबां समायना नुदों। भिककी कौशल आरो तृप्तिखौ गोबां स्टायलिश ड्रेसआव नुनो मोन्दों। सोराडाव फेनाय बे सावगारिफोराव बिसोर सानैखौ गोबां खाथिनि सोमोन्दो थानाय नुनो मोन्दों। बे सावगारिया

नंगुबै जिउनि रमास नड, बेयो मोनसे फेनो गोनां प्रजेक्टनि, एबा पर्दायाव भिककी आरो तृप्ति डिमरीनि जराखौ सोमजिहोनाय नुनो मोनगोन। मख 'नो गोनांदि, भिककी खौशल आरो तृप्ति डिमरीआ क्रएशियाआव सावथुननि शुटिं खालामनाय स्पट जादोंमोन आरो

बे सावगारिफोरा बे समनिनो। बिसोर सानैआ फेनो गोनां धर्मा प्रडाक्शननि सावथुन 'मेरे मेहबुब मेरे सनम'आव रमास खालामनो थाखाय थियारि, जाय 2024 नि फेब्रुवारी दानआव सिनेमाहलफोराव रिलिज जागोननि आसा दड। सोराडाव फेनाय सावगारिफोराव तृप्ति डिमरीखौ गोबां स्टायलिश नुनो मोन्दों। फारसेथिं भिककी कौशलखौबो गोबां हेनसाम नुदों। मख 'नो गोनांदि, 'एनिमेल' नि सिगां तृप्ति डिमरीखौ बाबिल खानजों सावथुन कालायाव नुनो मोन्दोंमोन। बे सावथुनआ नेटफ्लिक्सआव रिलिज जादोंमोन आरो बेखौबो गोबां मोजां मोन्नाय जादोंमोन। बेनि उनावबो तृप्तिआ गोबां सावराय जादोंमोन।

## सावथुन शिर्फ तुमनि फावखुंग्रिया गावनि समाइना महरजों एश्वर्या रायखौबो सेलेन्ज होयोमोन



प्रिया गीलआ 1995 आव फेमेना मिस इन्डिया इन्टरनेशनलनि बिमुंखौ मोन्नो हादोंमोन आरो बे बोसोरावनो मिस इन्टरनेशनलआव भारतसिम फेदोंमोन। बेनि उनाव बियो सावथुनआव बाहागो लायो। बिखौ हिन्दी सावथुनफोरजों लोगोसे पान्जाबि, मल्यालम, तामिल, बजपुरि आरो तेलुगु सावथुनफोरव फाव खालामदों। नाथाय बिखौ दिनैसिमबो 1999 आव रिलिज जानाय सावथुन 'शिर्फ तुम'नि थाखाय मिबथिनाय जायो। प्रियाआ गावनि बलिउड केरियारखौ 1996 आव रिलिज जानाय सावथुन तेरे मेरे सपनेजों जागायदोंमोन। जेराव बिजों

लोगोसे आशाद वार्शि, चन्द्रसुर सिं बायदि गिदिर फावगिरिफोरखौ लोगोसे नुनो मोन्दोंमोन। नाथाय बनि बलिउड डेब्युआ जर'खा महर मोनाखैमोन आरो बनि गिबि सावथुनआनो बक्स अफिसआव फ्ल'प जायो। प्रियानि गिबि सावथुनआ थारैने जाफुडखै। नाथाय बनि समायना महरआ साफ्रोमबोनि गोसोखौ बोनो हादों। बे समावनो बियो शिर्फ तुम सावथुनखौ मोन्नो हादोंमोन, जाय 1999 आव सिनेमाहलफोराव रिलिज जादोंमोन। बे सावथुनआव बिखौ सन्जय कापुरजों फाव खालामनाय नुनो मोन्दोंमोन। शिर्फ तुम सावथुनआ बक्स

अफिसआव गोबां जाफुसारादों आरो बेजों लोगोसेनो प्रिया गीलआ हादतनाडै मुंदांखा जादों। शिर्फ तुमनि उनाव बिखौ जश (2000) आरो रेड (2002) बायदि सावथुनफोरव नुनो मोन्दों। बनि समायना महरखौ एश्वर्या रायजों रुजुनाय जायोमोन। नाथाय प्रियानि सावथुनफोरा जर'खायै जाफुसारां हायामोन। गोबां नाजानायनि उनाव बियो 2006 आव बलिउडनिफ्राय जानगाव थायो। बे समाव बिखौ गुबुन रावफोरनि सावथुनफोरव नुनो मोन्दोंमोन। नाथाय बैफोरवबो बियो जाफुसारां हायाखै। जेबथायव प्रियाआ सावथुननिफ्राय जानगाव थांनो थांखि लायो आरो थंनय 17 बोसोनिफ्राय पर्दानिफ्राय जानगाव थादों। मिडिया रिपर्टनि बायदिब्ला, प्रियाआ आथिखालाव हादतनिफ्राय जानगाव थांनय डेनमार्कआव थायो आरो गोजोनै गावनि जिउखौ खुंग्रिसिनो। थारैने बियो सावथुननिफ्राय जानगाव थादों। नाथाय दिनैसिमबो बिखौ सुबुंफोरा बनि समायना महरनि थाखाय गोसोखाडो।

## हम टेलिभिजन श्रीमद रामायण निफ्राय सीतानि गिबि लुकआ सोराडाव फेदों



मिजिं खालामनाया बांनयनि गेजेराव 'श्रीमद रामायण' खौ फोथांदों, जाय 2024 नि 1 जानुवारीनिफ्राय जागायगोन आरो सानफ्रोमबो समबारनिफ्राय शुक्रबारनि 9 रिगायाव फोसावदिं खालामगोन। बे स्व'आ बे मोजां भारतीय इपिकखौ गोदान स्टारफोरनि गेजेराव फोरमायसिगोन आरो चेनेलआ आथिखालाव गुबुन मोनसे प्रमखौ फोसावदों, जेराव सिया-रामखौ दिन्थिनाय जादों। सीतानि फावखौ गोखो फावखुंग्रि प्राचि बंसलआ दिन्थिगोन। फारसेथिं फावखुंग्रि सुजय रेडआ भगवान रामनि फाव खालामगोन। बे प्रम'आ भगवान रामनि फारसे सीतानि गोखों मान आरो अन्नाय होनायखौ दिन्थियो, बिखौ सासे राजकुमारनि अनगायै सासे फोथाय जाथाव जिउनि लोगो महरैबो मानियो। प्राचि बंसलआ बे फावखौ दिन्थिनायनि सोमोन्दै बुडे, गाव हमाडाडोदि, गाव बे फावखौ सायख'दों आरो बेयो मोनसे औरैबायदि बाहागो, जायखौ माखासे खाफाल गोनां फावगिरिफोराल' दिन्थिनो खाबु मोनो। गावसोर रामायण एबा बेनि गुबुन गुबुन बाहागोफोरनि सल'खौ खोनानानै देरबोदों, बेनिखायनो बे सल'खौ फोथानाय, अन्नाय आरो गोखों फोथायनायखौ लाखिबाय थानाया मोनसे सेलेन्ज गोनां जादों, जायनि थाखाय राम आरो सीताखौ मोनथिनाय जायो आरो बिसोरखौ फुजा होनाय जायो।

# गाहाम देहानि राहा

## गुसु बोथोराव देहाखौ गाहामै लाखिनो माखासे फुडसफोरखौ जानो हायो

आथिखालनि जिउ खुंनयजों नांथाबनायाव गोरोन्थियै जाग्रा आदार जानायनि जाहोनाव देहायाव गात्रि गोहोम गोलैदों। हेल्दी नडै फुडसखौ जानायजों सुबुंफोरा गोबां गोब्राव बेरामफोरनि मेहुर जायो। देहानि लिरथाय बांनय, डायबेटिज, ब्लाड प्रेशर, बिखाजों सोमोन्दो गोनां



बेरामफोरा सरसनसा जायो। बेबायदियाव नांथाड माखासे फुडसफोरनि सोमोन्दै मिबथिना लानो हागोन, जायखौ जानायजों नांथानि बिखाया गाहामै थायो। जुदि नांथाड गावनि बिखाखौ गाहामै लाखिनो हास्थायोब्ला एन्टी अक्सिडेन्टजों बुंफबनाय मुवा-बेसादफोर आरो भिटाभिनफोरखौ जानांगों, लोगोसेनो गावखौ अरायसम हाइड्रेटयैबो दोननांगों।



1. था गुनायाय माखासे गुनफोरजों बुंफबनाय जायो। बेवहाय थानाय भिटाभिन-ए, सि आरो भिटाभिन-बि 6, नियासिन, कपार, पटैसियम, मेगनिज बायदि गुनफोरा जॉनि बिखाखौ गाहामै लाखियो।  
2. गोथां बिलाइनि मैंगफोरा गोबां गुनफोरजों बुंफबनाय जायो, जाय जॉनि बिखाखौ गाहामै लाखियो। बेवहाय थानाय फाइबर आरो मिनारेल्सआ थैखौ साखोन-सिखोन खालामनायनि खामानि मावो। बेनि थाखाय नांथाड फान्थाव, भिन्डी, बिन्स,



पालें मैंग, मेथिखौ जाथानांगों। बेजों कलेस्ट्रल लेभलखौ मेन्टेन खालामनायाव मदत मोनो।  
3. केल्सियम, फाइबर आरो प्रटिनजों बुंफबनाय गाइखेर दाखाया जॉनि बिखाखौ गाहामै लाखिनायाव मदत होयो। नांथाड बेखौ गावनि सानफ्रोमबोनि डिट्टआव लाफदेरनो हायो।  
4. सामब्राम गुफुर देहाखौ गाहामै लाखिनायनि



जर'खा मानिनाय जायो। मानोना बेयो जायखि-जाया रोखोमनि इन्फेक्शनखौ जानगाव खालामनायाव मदत होयो, लोगोसेनो बांनय कलेस्ट्रलनि लेभलखौ दावख्खायहोनानै थैआव क्ल'टिं जानायखौ होबथायो।



5. दालिमखौ बिखानि थाखाय बयनिखुइ साबसिन फिथाइ मानिनाय जायो। बेयो जॉनि देहायाव थनाय थैआव नायट्रिक अक्साइडखौ बांहोयो। जायजों बिखाया मोजाडै पाम्प खालामनो हायो, लोगोसेनो ब्लाड प्रेशरनि जेंनाखौबो जानगाव खालामो।

## रभिन्द्र बेदेंआ 78 बोसोर बैसोआव रुंसारि जाबाय



सिं व थु न इन्डास्ट्रिनिफ्राय मोनसे दुखुनांथाव खौराडा सोराडाव फेदों। माराठि आरो हिन्दी सावथुनफोराव गावनि फावफोरनि थाखाय मुंदांखा जानो हानाय फावखुंग्रि रभिन्द्र बेदेंआ 78 बोसोर बैसोआव रुंसारि जाबाय। रभिन्द्र बेदेंखौ बलिउडनि अनगायै माराठि सावथुन इन्डास्ट्रिआवनो नुनो मोनखांबाय। सावथुन मुलुगनिफ्राय आरोबाव मोनसे दुखुनांथाव खौराडा सोराडाव फेदों। बि टाउनआ आरोबाव गावसोरनि हास्थायगिरि स्वरखौ खोमाना लादों। माराठि आरो

हिन्दी सावथुनफोराव गावनि फावनि थाखाय सिनायजानाय रभिन्द्र बेदेंआ मुलुगखौ नागारलांबाय। गोलाव समनिफ्राय बेदेंआ गोदोनानि केन्सार्जों भुगिनांदोंमोन। केन्सार्जों भुगिनांनय बेदेंआ टाटा मेमरियेल देहा फ। हा। म। स। ल। य। व थिसन्जादोंमोन। गोलाव समनिफ्राय बेनि फाहामथाया सोलिगासिनो दडमोन। माराठि आरो हिन्दी सावथुनखौ मोजां मोनग्रा सुबुंफोरनि गोसोआव जर'खा जायगा बांनयनाय फावखुंग्रि बेदेंनि रुंसारि जानायजों सावथुन मुलुगनि

स्टारफोरा दुखु मोन्दों। बेदेंनि देहानि थासारिया औरैबायदि गात्रि जादोंमोनदि, बनि हां लानायावबो जेंना सोमजिखांदोंमोन। 2 सान सिगांसो बिखौ देहा फाहामसालिनिफ्राय न'आव लाबोफिन्दोंमोन। नाथाय बेदेंआ हरखाबै हार्ट-एटक जायो आरो जिउ गोमानाडो। ससेल मिडियाआव बनि हास्थायगिरि आरो फेन्सफोरा बिथानो बिबार बाउदों। बेदेंआ रुंसारि जानाय फावखुंग्रि लक्ष्मी कान्त बेदेंनि फंबायमोन। बिसोर सानैआ लोगोसेयै गोबां हिट सावथुनफोरखौ बानायदोंमोन। रभिन्द्र बेदेंआ गावनि गासै केरियारआव 300 निफ्राय बांसिन माराठि सावथुनफोराव फाव खालामदोंमोन। बियो अशक शरफ, महेश कटरे, बिजय कते, शुधिर जशी आरो बिनय चौहान बायदि माखासे फावगिरिफोरजों फाव खालामदोंमोन। बावैसो समाव बियो भरत याधव आरो सिद्धार्थ याधवजों लोगोसे सावथुन बानायदोंमोन। सावथुन पसाद लेलायाव बनि फाव खालामनायखौ सुबुंफोरा गोबां बाख्नायदोंमोन। 1995 आव गावनि मोनसे ड्रामानि समाव बेदेंआ हार्ट-एटक जादोंमोन। जायनि उनाव 2011 आव बियो गावनि केन्सार् जानायखौ मिबथिनो हादोंमोन। बियो केन्सार्खौ गावनि खामानियाव गोहोम खोखैनो होयाखैमोन। बेदेंनि नख'रआव बनि बिसिजों लोगोसे सानै फिसाफोर आरो बिहामजो, फिसौज्जाफोर दड।

## पाकिस्ताननि सासे फावखुंग्रिआ शाहरुखनि हिर'इन जानानै मुं आरजिनो हादों

बलिउडआव माखासे टेलेन्ट फावगिरिफोर दड। जायनि रंगथिजों मुलुगानाडैनि सुबुंफोर थुलुखा खाडो। फारसैथिं न'सुंसे हादत पाकिस्तानआवबो टेलेन्टआ बाडइ जायाखै होना नेवसिगारनो हाया। बे सावगारियाबो बेबायदिनो सासे न'सुंसे हादतनि फाव खुंग्रि, जायनि समाइना महर आरो रंगथिनि दोहौआ बिखौ बलिउडसिम लानानै फेदों। बेवहाय बियो गिबि सिनावनो बलिउडनि बादशा शाहरुख खानजों फाव खालामनो खाबु मोन्दों आरो हरजों हर मुंदांखा जादों। न'सुंसे हादतनि बे फावगिरिआ गावनि हादतआवबो गोबां मुंदांखा। आथिखालाव कौटि-कौटि रंनि बिगोमा जानो हादोंब्ला गुबुन फारसैथिं बियो रनि बायदिदियै थायो। नाथाय मोनसे समा औरैबायदिबो फेदों जेब्ला बियो गलाफोरावबो साखोन-सिखोन खालामनायनि खामानिबो मावनो गोनां जादोंमोन। मख 'नो गोनांदि, बेनो जादों पाकिस्ताननि मुंदांखा फावखुंग्रि माहिरा खान, जाय बावैसो



समाव जुलि जाबाय। माहिरा खानआ पाकिस्तानआव जेसेबां मुंदांखा जानो हादों एसेबांनो बियो भारतआवबो एसेबांनो अन्नाय मोन्दों। शाहरुख खाननि सावथुन रेडसआव बिखौ साहिबानि फाव खालामनाय नुनो मोन्दों आरो गावनि समाइना महरजों नायदिरिफोरनि गोसोखौ बोनो

जाफु'सारनो हानाय फावखुंग्रिफोरनि गेजेराव सानफनाय जायो। जाय फिसा-फिसा प्रजेक्टनि थाखायबो लाख-लाख रांखौ लायो। माहिरा खानआ समाइना न'बिल्डिजों लोगोसे समाइना गारिफोरनिबो बिगोमा। सावथुन आरो ब्रेन्ड एन्डर्समेन्टनि अनगायै माहिरा खानआ एम बाइ माहिरा खान मुंजों क्ल'टिं लाइनखौबो सालायो। बे गासैखौ सरजाबानानै बनि नेटवार्टखौ 170 कौटि रं होना मिबथिनाय जादों। नाथाय बे थाखोसिम सौफेनो थाखाय माहिराया गोबां नाजानोबो गोनां जादों। सावथुनआव फाव खालामनायनि सिगां माहिराया केलिफर्नियाआव सोलॉंथाइ लायोमोन। बियो गावनि कस'खौ दिहुन्नो थाखाय बेवहाय रेस्टुरेन्टआव खामानि मावदोंमोन आरो केसियारनिफ्राय लानानै गलायाव हासिब सिबनाय खामानिखौबो मावदोंमोन। माहिरा खानखौ पाकिस्ताननि धोनि आरो

जाफु'सारनो हानाय फावखुंग्रिफोरनि गेजेराव सानफनाय जायो। जाय फिसा-फिसा प्रजेक्टनि थाखायबो लाख-लाख रांखौ लायो। माहिरा खानआ समाइना न'बिल्डिजों लोगोसे समाइना गारिफोरनिबो बिगोमा। सावथुन आरो ब्रेन्ड एन्डर्समेन्टनि अनगायै माहिरा खानआ एम बाइ माहिरा खान मुंजों क्ल'टिं लाइनखौबो सालायो। बे गासैखौ सरजाबानानै बनि नेटवार्टखौ 170 कौटि रं होना मिबथिनाय जादों। नाथाय बे थाखोसिम सौफेनो थाखाय माहिराया गोबां नाजानोबो गोनां जादों। सावथुनआव फाव खालामनायनि सिगां माहिराया केलिफर्नियाआव सोलॉंथाइ लायोमोन। बियो गावनि कस'खौ दिहुन्नो थाखाय बेवहाय रेस्टुरेन्टआव खामानि मावदोंमोन आरो केसियारनिफ्राय लानानै गलायाव हासिब सिबनाय खामानिखौबो मावदोंमोन। माहिरा खानखौ पाकिस्ताननि धोनि आरो

जाफु'सारनो हानाय फावखुंग्रिफोरनि गेजेराव सानफनाय जायो। जाय फिसा-फिसा प्रजेक्टनि थाखायबो लाख-लाख रांखौ लायो। माहिरा खानआ समाइना न'बिल्डिजों लोगोसे समाइना गारिफोरनिबो बिगोमा। सावथुन आरो ब्रेन्ड एन्डर्समेन्टनि अनगायै माहिरा खानआ एम बाइ माहिरा खान मुंजों क्ल'टिं लाइनखौबो सालायो। बे गासैखौ सरजाबानानै बनि नेटवार्टखौ 170 कौटि रं होना मिबथिनाय जादों। नाथाय बे थाखोसिम सौफेनो थाखाय माहिराया गोबां नाजानोबो गोनां जादों। सावथुनआव फाव खालामनायनि सिगां माहिराया केलिफर्नियाआव सोलॉंथाइ लायोमोन। बियो गावनि कस'खौ दिहुन्नो थाखाय बेवहाय रेस्टुरेन्टआव खामानि मावदोंमोन आरो केसियारनिफ्राय लानानै गलायाव हासिब सिबनाय खामानिखौबो मावदोंमोन। माहिरा खानखौ पाकिस्ताननि धोनि आरो

## 'चाहे कइ मुझे' देंखोआव याहु सोदोबरखौ महम्मद रफिनि अनगायै प्रयाग राजआसो रेकड खालामदोंमोन



उनाव चाहे कइ मुझे जंगलि कहे खौ दामनाय जायो। बादयारिनि

फिन्नायनि थाखाय हुरे, याहु शावा आरो चक देखौ थांखि

होनाय जायो। बेनि गेजेराव नंगुबै फिन्नाया याहुमोन। 'सकारनि मुंदांखा फावखुंग्रिआ फोरमायबावदों, बे देंखोया सावथुन जंगलिनि। सावथुनआ शम्मि कापुर आरो सायरा बान'आ गाहाइ फाव खालामदों। सावथुननि देंखोखौ शंकर-जयकि शानआ थियारि खालामदोंमोन आरो देंखोनि मिउजिक खौ सेलेन्ड आ लिरदोंमोन। फावखुंग्रिआ

फोरमायो, देंखोयाव नांथाडा जाय याहुखौ सायख'दों, बेखौ रपिया रोजाबाखैमोन होना बुडो। बेनि ओंथिया बेदि, देंखोखौ बियो रोजाबदोंमोन, नाथाय जेब्ला देंखोखौ रिक्ड खालामो अब्ला याहुखौ प्रयागराजआ रोजाबदोंमोन। प्रयाग राजआ सासे लिरगिरि। बियो गावनि गोबां सावथुनफोरनि थाखाय लिरदों।

## लुनायनिफ्राय ओंखारनाय हाद्रि गुनद्रासाफोरा गुबुंले जानायाव बांसिन मदत खालामो

गोदान दिल्ली, 13 डिसेम्बर: हादरनि गासैबो नोगोरफोरा बांलांनाय बार गुबुंले जानायजों जेनायाव गोग्लैनाई दड। बेखौ सामलायनो थाखाय नाजागासिनो दं नाथाय बेफोर नाजानाया थोजासे नड होनना फोरमानबो जागासिनो दड। बे समवनो सेन्टार फर साइन्स एन्ड एनवायरनमेन्ट (सिएसई) नि मोनसे रिपर्टआ फोरमायदोंदि, हादरनि 74 जौखोन्दो नोगोरफोराव लुनाय आरो फि स फ ा य न ा य हाबाफारिफोरनिफ्राय बेसेबां दाखोर-दाला सोमजियो बेनि बागै जोबनो गैया। रिपर्टनि बायदिब्ला, 131 नन-एटेनमेन्ट नडे नोगोरफोरनि गेजेराव जाय हायुंआरि साखोन-सिखोन बार मावथांखि (एन.सि.ए.पि.) नि सिखव हायुंआरि सोरगिदिं बार गुन मान थाखोखौ आबुं खालामनायाव फेलें जाबाय थानाय मोन 35 आल लुनाय आरो सिलिंखार खालामनाय दाखोर-दालाफोरखौ फोजोबनो



बिथांखि लादों। एन.सि.ए.पि.नि सिखव गासैबो नोगोरफोरा हाद्रि गुबुंले जानायखौ होबथानो थाखाय गावसोरनि साफा बार एक्शन प्लान आरो माइक्र' एक्सन प्लानफोर थियारि खालामनांगोमोन। बार गुबुंले जानायखौ सामलायनयनि पर्टेल (पीआरएएन)नि बायदिब्ला, मोन 35 थामहिनबा बू बाहागोन से बाहागोआल' प्राण पर्ट'लाव गावसोरनि मावथांखिफोरखौ आपलड खालामदों। बिसोर सानफ्रोमबो 6563.48 टन दाखोर-दाला दिहुनो। दिल्लीया हारसिडेनो

3448 टन दिहुनो। आहमेदाबादआ 1,000 टन, फरिदाबाद आरो नएडया 300 टन आरो गाजियाबादआव 280 टन दिहुनो। दुखुनांथाव थासारिया बेनोदि, गं 12 सहरफोराल 2019 टन दाखोर-दालाफोरखौ फिन बाहायफिनो थाखाय दैखोयो। सि.एस.इ.नि रजनीश सरिननि बायदिब्ला, लुनाय हाबाफारिफोरनिफ्राय ओंखारनाय हाद्रि गुनद्रासाफोरा बार गुबुंले जानायखौ बांहोयो। गुबुन फारसेथिं, लुनाय मुवाफोरनि गोनांथिनि थाखाय खनिनि खामानिया बांलाडे।

हादराव लुनाय मुवाफोरनि बाहायनयनि हारआ मोनफ्रोम एकरआव 1580 टन, जाय मुलुगनि मोनफ्रोम एकडआव 450 टन बाहायनयनि ब्रै गुन। भारतआव बेसादफोरनि बाहायफिनयनि हारआबो 20 जौखोन्दोसिम जेराव इउर 'पआव बेयो 70 जौखोन्दोनि गोजौसिन। हायुंआरि साखोन-सिखोन बार मावथांखिनि थांखिया बोसोर 2026 मायथाइसिमाव गं 131 लोरबां नडे नोगोरफोराव हाद्रि गुबुंले जानायखौ 40 जौखोन्दो बाडइ खालामनाय। 2024 मायथाइसिमाव गासैबो नोगोरफोरा हाद्रिनि गुनद्रासा गुबुंले जानायखौ 20-30 जौखोन्दोनि गेजेराव बाडइ खालामनांगोन। सहरफोराव दाखोर-दालाफोरखौ बाहायफिनो थाखाय मोनसे टइमलाइन होनाय जादोंमोन। 131 नोगोरफोरनि गेजेराव गं 53 सहरफोराल थासारिखौ फोमायदोंमोन। मोन 12 लाइफोमेशल खामानि मावनाय थासारिखव दं।

## आफगानिस्तानआ बयनिखुइ देरसिन आपिं फालांगि खालामग्रा हादत जाबाय

काबुल, 13 डिसेम्बर: भारतनि दरसे नसुंसे हादत आफगानिस्तानआ आपिंनि बयनिखुइ देरसिन दिहुन्थाइ हादतमोन। नाथाय आफगानिस्तानखौ उन खालामना भारतनिनो आरोबाव गुबुन दरसे नसुंसे हादतआ आपिंनि दिहुन्थायाव गिबि थाखोयाव सौहैदों आरो बै हादतआ आफगानिस्तानखौ नैथि थाखोयाव दावखलायहोदों। इउएननि रिपर्टआव फोस्मायनाय बायदिब्ला, म्यानमारआव बोसोराव 1080 मेट्रिक टन आपिं दिहुन्थाय जायो। इउनाइट नेशन अफिस अफ ड्राम्स एन्ड क्राइम (इउएनडिसि) आ रिपर्टआव लिरदोंदि, थांनाय 2022 निफ्राय आफगानिस्तानआव आपिंनि आबाद खालामनायनि सायाव तालिबान सरकार होबथादों। बे होबथानायखौ जाबसिनयनि उनावनो आफगानिस्तानआव आपिंनि दिहुन्थाया 95 जौखोन्दोसिम दावखलायदों। बेनि गेजेरजों बे बोसोराव



आफगानिस्तानआव 330 टनल' आपिं दिहुन्थाय जादों। इउएनडिसिया बुंवावदों म्यानमारआव आपिंनि फालांगिया हादतनि रंखांथि बेब'स्थायाव गिदिर बिफाव लायो। बावैसो बोसोरफोराव बेयाव गोबां बांदों। म्यानमारआव सिगाडाव 1 बिलियन डलारनि आपिं फांन्दोंमोन। नाथाय आथिखालाव 2.4 बिलियन डलारनि आपिं खौ म्यानमारआव दिहुनो आरो फानो। बे हादतनि

जिडिपिनिया 4.1 जौखोन्दो। मख'नो गोनांगि, म्यानमारनि सिमनाया लाओस आरो टाइलेन्डजों नांजाबनाय बे ओन्सोला आइन बेरेखा फेग्रा बेसाद, सिखाव खवनाय आरो आपिंनि थाखाय बयनिखुइ मुंदांखा जायगा। थांनाय बोसोराव म्यानमारआव 790 मेट्रिक टन आपिं दिहुन्दोंमोन। म्यानमारनि बयनिखुइ बांसिन आपिं खौ जमिन शान ओन्सोलाव दिहुन्थाय जायो। आथिखालाव साननि हा बाहागोन 88 जौखोन्दो

बाहागोआव आपिंनि आबाद खालामनाय जायो। सान्जा शान ओन्सोलाव मोनफ्रोम हेक्टरआव 19.8 किल'ग्राम आपिं दिहुनोमोन। नाथाय आथिखालाव बेयो बांनानै 29.4 किल'ग्राम जाहैबाय। खौरनि बायदिब्ला, सान्शिफोर बे फालांगिखौ फोजोबनो गोसो जायाखै। बे बोसोराव म्यानमार सेन्ट्रल कमिटी अफ ड्राम्स एथिउस कन्ट्रलआ आपिंनि फालांगिखौ फोजोबनायजों जेबो मुलाफ्फा गैया होन्ना बुंदों।

## जों गावजों गाव सुथुर महरै नोजोर होलायनाया गाहाम नड :एन. बिरेन सिं



इम्फल, 13 डिसेम्बर: मणिपुरनि गिबि मन्थि एन बिरेन सिंहआ थांनाय मंगलबारखालि बुडोदि, सरासन्ना सुबुंफोरा आइन फोसावग्राफोरनि बिफाव लानो नाड। गिबि मन्थिया रवखौबो सुथुर बायदि नायनाड होन्ना आर'ज गाबनानै बुडोदि, सुबुंफोर जेबो जाहोन गैया जासे जिंगायाव गोग्लैनाई गुबुननि सायाव गाग्लोबनो नाड। गुबुन गुबुन गाग्लोबनायफोराव दाय जाबसिन्दोंमोनदि, माखासे ओन्सोलफोरनि रैखाथि होग्रा गावयारि सिबिथाइफोर बैबायदि

सुबुंफोरनाव जेरा सेबोदि, जायफोरखौ बिसोर सन्देह' खालामो बिसोरनि सायाव नुनायबो जायो। गिबि मन्थिया मोनसे बिथांखिबो फोसावो, जायनि गेजेरजों सासे गोग्लैसोनाय थाखोनि आइजोफोरा सरकारनिफ्राय दानफ्रोमबो 500 रं मोनगोन। बिथाड बुंवावदों। सरासन्ना सुबुडा आइन फोसावनायनि जेबो बिफाव लानो हाया आरो गुबुननाव जेबो जाहोन गैया जासे जेरा सेबनो हाया एबा बिसोरनि सायाव गाग्लोबनो

## हाजोफोराव बरफ गोग्लैनायजों सा भारतनि बिदुडा दावखलायबावगोन



गोदान दिल्ली, 13 डिसेम्बर: माहारियारि रजथावनिजों लोगोसे गासै सा भारतआव जोबोद गुसु बोथोर आगान होफेबाय। बेनि गेजेरजों बुधवार फुडव दिल्लीनि बिदुखौ 8 डिग्रि सेल्सियसस्यै दिखानो मोन्नाय जादों। बिफाननि बायदिब्ला दिने दिल्लीयाव मेक्सिमम बिदुख 25 डिग्रि आरो मिनिमम बिदुख 7 डिग्रियाव थानो हागौ। अदेबानि पान्जाब, हरियाणा, दिल्ली, उत्तर प्रदेश आरो बिहारनि बांसिन ओन्सोलफोरव बुधवारखालि रोजा खुवा खुयो। बुधवार फुडव लक्ष्मोन बिदुखौ 11 डिग्रि सेल्सियसस्यै दिखानो मोन्नाय जादों। बेरा फारसे, पाटनायाव 11 डिग्रि जादों। बेनि अनगायैबो दिने फुडव सा-सान्जा भारतनि बांसिन रइज्योफोर खुवाजों साग्लोबदों। बोथोर बिफाननि बायदिब्ला अरुनाचल प्रदेश, मेघालय आरो आसामनि माखासे जिल्लाफोराव अखा हानो हागौ। अरुनाचल प्रदेशआव दिने सर-अन्थाइबो गोग्लैनाई हागौ। हिमाचल प्रदेशनि बाश्ना बुडोब्ला, दिने मानाली, धर्मशाला आरो गुबुन जिल्लाफोराव बोथोर स्रं जानो हागौ। बेरा फारसे देहरादुनआव सरासन्ना खुवा साग्लोबगोन। फारसेथिं काश्मीरनि बाश्ना बुडोब्ला बुधवार फुडव श्रीनगरनि बिदुखौ 2.6 डिग्रि दिखानो मोन्नाय जादों। जम्मुआवबो बिदुख 8 डिग्रिनि खाथियाव थानो हागौ। बोथोर बिफाननि हम्दानाय बायदिब्ला, केरेला आरो माहेयाव सरासन्ना थाखोनि अखा हानो हागौ।

## बेसेन नाड जासे आदार आपडेट खालामनायनि अक्टखौ बांहोबाय

गोदान दिल्ली, 13 डिसेम्बर: फोसावनाय फसंथान इउआइडिआइनि फारसेनिफ्राय आदार आपडेट खालामनायनि अक्टखौ फावसायनाय जाबाय। आथिखालाव 2024 नि 14 मार्चसिमाव बेसेन नाडजासे गावनि आधार आपडेटखौ खालामनो हासिगोन। गिबियाव बेसेन नाडलासे आपडेट खालामनायनि अक्टखौ 2023 नि 15 डिसेम्बरआव जे ब र स गै मो न। इउआइडिआइनि फारसेनिफ्राय 2023 नि 11 डिसेम्बरखालि बुंदोंदि, नोगोरफोरनि गेजेरजों पजिटिभ फिनजाथाय होनायनि जाहोनाव बेसेन नाडजासे आधार आपडेट खालामनायनि अक्टखौ 2023, 15 डिसेम्बरनिफ्राय फावसायनानै 2024 नि 14 मार्च खालामदों। बेनि उनाव जायखिजाया सुबुडनो गोरलैयै माय आधार पर्टेलआव थांनानै गोरलैयैनो गावनि आधारखौ आपडेट खालामनो हागोन। मख'नो गोनांदि, जुदि नोंथाड आधार



सेन्टारआव थांनानै गावनि आधारआव जायखि जाया रोखोमनि सोलायनो हास्थयोब्ला नोंथाड 25 रंखौ होनांगोन। जुदि नोंथाड आधारखौ 10 बोसोर सिगां बानायदों आरो बै समनिफ्राय



लन्डन, 13 डिसेम्बर: आदार पुनावालानि फारसेनिफ्राय लन्डननि मुंदांखा एबारकनभे हाउसनि थाखाय रादाय खाबाय। बियो लन्डन मेफेयारआव दड। भारतयारि फालांगि आरो सिराम इन्सटिटुट अफ इन्डियानि बिगोमा आदार पुनावालाया लन्डलनि मेपेयाराव थानाय 25000 स्कुयार फिटनि बांलाखौ बायो। फाइनान्सियल टइम्सनि रिपर्टआव फोस्मायनाय जायोदि, 1920 आव बानायनाय एबारकनभे हाउसनि रादायआ 138 मिलियन फाउन्ड एबा 1,444 कौटि राडव जादों। बेजों 2023 आव लन्डनआव जानाय बयनिखुइ बेसेन गोसा हाउसनि रादाय जायो। एबारकनभे हाउसआ लन्डननि मुंदांखा हाइडे पार्क नि खाथियाव दड। डमिनिका कुल्लितआ मुंदांखा पलिस फालांगि जेन कुल्लिसनि फिसाजो आरो बिनो

बे बांलाखौ आदार पुनावालानो फानो। रिपर्टनि बायदिब्ला, बे प्रपारटिखौ सिराम इन्सटिटुटनि ब्रिटिस साब्सिडियारि सिराम लाइफ साइन्सनि फारसेनिफ्राय बायनाय जागोन। जाय बेसेनाव बे बांलाखौ बायनाय जादों बेयो लन्डनआव बायनाय दासिमनि नैथि बयनिखुइ देरसिन हाउस रादाय जाबाय। लन्डननि बयनिखुइ बांसिन बेसेन गोसा हाउस डिल 2-8ए रुडलेन्ड गेटखौ गनायना लानाय जायो, जाय 2020 नि जानुवारी दानाव 210 मिलियन पाउन्ड (2,200

25000 स्कुयार फिट बांलाखौ भारा लादोंमोन। बे बांलाया एबारकनभे हाउसनि खाथियावनो दडमोन। सुलुडव फोरमायनाय बायदिब्ला, पुनावालानि सिगांबो माखासे भारतयारि फालांगिरिफोरा लन्डनआव न' बायखांबाय। फाइनान्सियल टाइम्सनि रिपर्टआव फोरमायनाय बायदिब्ला पुनावालाया लन्डनआव चिफ जानायनि जेबो बिथांखि गैया। बे न'आ बेस

महरैल' खामानि मावगोन। अदेबानि जेब्ला बियो एबा बिथांनि कम्पानिनिफ्राय सोरखा लन्डनआव दावबायगोनब्ला बे न'आव थाहैनो हागोन। आदार पुनावालाया थांनाय 2011 आव सिराम इन्सटिटुटनि सिइअ जादोंमोन। कभिडनि समाव एस्ट्रु जेनेका आरो अक्सपर्ट इडनिभासिडिजों लोगोसे गोरोबलायनानै सिरामआ कभिसिल्ड भेक्सिन बानायनायाव गाहाइ बिफाव लादोंमोन।

## इरानआ इज्राइलनि सायाव नोजोर लाखिसिगोन

तेहरान, 13 डिसेम्बर: इज्राइल आरो हामास दावहानि गेजेराव इरानआ गावनि गोहोखौ लांश्रियै बांहोदों। इरानआ इज्राइलनो गोबां खेब गाग्लोबनो थाखाय सांग्राथि होखांबाय। इरानआ आथिखालाव बारहावायाव दावहा नांग्रा 'माजिद' मिसाइलनि लेस' कररि' फाइटर ड्रनखौ आनभेतिं खालामदों। इज्राइलनो होनाय सांग्राथिनि गेजेराव इराननि दावहा नांग्रा ड्रनखौ मिसाइलनिफ्राय लेस खालामनाया इरानआबो दावहायाव बाहागो लासिगोन नामा होन्ना सोंथि सिखादों। इराननि मिडियानि बायदिब्ला बे ड्रनआ आथिखालाव इराननि अखांमा रैखाथिफोराव मावख'यारि महरै थाफादेरदों। तेहरानआव थानाय अल-अबिया अखांमा रैखाथि आफादयाव मोनसे टेलिभिजन फोरबोनि समाव इराननि सान्शिफोरा बे ड्रनखौ दिन्थिफुदों। बे ड्रनआ गोबां



गोहो गोर आरो 12 निफ्राय बांसिन कइरि ड्रनआ हादतनि सिमनायाव थिसनजासिगोन। इराननि फारसे बुंनाय जादोंदि, बे ड्रनआ सान्शिफोरनि गोहोखौ गोबां बांहोगोन। इराननि सान्शिफोरा दाबि दैखांनय बायदिब्ला 'कररि' ड्रनआ से रोजा किल 'मिटारसिम बारहावायाव जुजिनो हायो। बेनि अनगायैबो बेवहाय माखासे गुणफोर दड। कररिनि आनभेतिं उनाव इरान सान्शिनि कामान्दार-इन-चिफ जेनेरेल आबुलराहिम मौसविआ बुंदों। सुथुरफोरखौ आथिखालाव गावनि सोलो-खांथिफोराव आरोबाव खनसे सावरायनांगौ,

मानोना इराननि सिबिथाइ होनाया सिगांनिफ्राय बांसिन गोहो गोर जादों। 2021 नि जानुवारी दानआव इराननि सान्शिथिया बारहावायाजों बारहावायाव फेजेनो हानाय मिसाइलखौ बाहायनानै मोनसे थांखिखौ सिलिंखार खालामनानै कररि ड्रननि गोहोखौ दिन्थिफुदोंमोन। इरानआ बावैसो समाव हाइपरसोनिक मिसाइलखौ आनभेतिं खालामदोंमोन, जायनि उनाव आथिखालाव बे गुबुन रोखोमनि ड्रनखौ थियारि खालामदों। इरानआ लांश्रियै सान्शिफोरनि गोहोखौ बांहोनायाव नांथाबदों आरो बेवहाय जाफुंसासनायखौबो मोन्दों।

## बिआरएस आरो बिजेपि दैदेनगिरिफोरा गोदानै सायख' जानाय सरकारखौ सिमफायनो नाजादों: कंग्रेसनि अजद

हाइद्राबाद, 13 डिसेम्बर: तेलेंगाना आफादा थांनाय मंगलबार खालि रइज्योआरि पुलिस गाहाइनि खाथियाव अजद दैखांनानै बुडोदि, बिआरएस आरो बिजेपि दैदेनगिरि बिसोरनि गोदानै सायख'जानाय सरकारखौ बोखलायनो खैसार सागासिनो दड। रइज्यो कंग्रेस कमिटिनि



गाहाइ सेक्रे टारि कै लास दैदेनगिरिया रोखायै बुडोदि,

बिजेपि आरो केसिआरआ फैसा होनानै सरकारखौ बोखलायनो

नाजागासिनो दड। बिथाडा फोरमायदों, कंग्रेस सरकार तेलेंगानानि जौगाखांनयनि थाखाय खामानि मावगासिनो दड। नाथाय बिजेपि दैदेनगिरि राजा सिंह आरो बिआरएस दैदेनगिरि कादियाम श्रीहरि आरो पल्ले रजेश्वरआ 6 दाननि उनाव तेलेंगानायाव सरकार बायगोन। बिथाड बुंदों, बेनिखायनो जों

बयबो बे केसखौ नायबिजिनो थाखाय डिजिपि रथि गुप्तानि खाथियाव केस थिसनो। रइज्योआव बावैसो समाव जानाय बिधान सभा बिसायख'थियाव कंग्रेस केसिआरनि दैदेनया बिआरएसखौ खुंथाइ सेख'ना लायो। आथिखालाव बेयाव कंग्रेसनि सरकार सोलिगासिनो दड।

## नेडारलेन्ड्सवै फेजेन्नानै भारतीय हकी टीमआ बिमुनि मिजिंथि लाबोदों

गोदान दिल्ली, 13 डिसेम्बर: गिबि समाव 2 गलनि फारागआव उन जानायनि उनाव आवगायफिन्नानै भारतीय हकी टीमआ जुनियर हकी वर्ल्ड कापआव नेडारलेन्ड बायदि गोखों टीमखों 4-3 गलआव फेजेन्नानै सेमिफाइनलाव सौहैबाय। बे समाव बृहस्पतिवारखालि भारतआ सेमिफाइनलाव जार्मानीनि सेलेन्जआव ऑखारगोन। वर्ल्ड रैंकिंगआव 3थि आरो 4थि नम्बरआव जायगा मोन्नाय भारत आरो नेडारलेन्डनि गेजेराव गेलेनाय क्वार्टर फाइनल मेचआव गोखों सेलेन्जखों नुनो मोन्दों। बे मेचनि गेजेर सम सिमाव भारतनि बेरेखा टीमआ 2-0 गलजों आवगायदोंब्लाबो बेनि उनाव भारतआ आवगायफिन्नानै 2थि हाफआव 4 गल सोनो हादों। नेडारलेन्डनि थाखाय तिम' बर्येसआ 5 मिनट, पेपिन वान डेर हेडेनआ 16 मिनट आरु अलिभियार हर्वेन्सियास 44



मिनटआव गल सोदों। बेनि फिन्नायाव भारतनिफ्राय आदित्य लालागेआ 34 मिनट, अरिजित सिं हुन्डलआ 36 मिनट, आनान्द कुशाहाया 52 मिनट आरो के प्टेन उत्तम सिंआ 57 मिनटआव देरहानाय गल सोदों। नेडारलेन्डनि टीमआ गिबि क्वार्टरनिफ्रायनो गावसोरनि गागलोबनायखों जागायनानै माखासे खेब पेनाल्टी कर्नार खालामदों।

मेचनि जोबनाय 2 मिनटआव नेडारलेन्डनि टीमआ समान स्करि गल सोनो नाजादोंब्लाबो भारतीय डिफेन्सनि गोखों होबथानायवा फेलें जादों। जोबथा क्वार्टरआव भारतनि रहितआ लान्श्रिये खेब 6 पेनाल्टी कर्नारखों रैखाथि होदों जाडनाव बिथाड प्लेयार अफ दा मेच बा-न्थानि थाखाय सायख'जादों।

## आश्विनी आरो तनिषानि जराया बिडब्लिउएफ रैंकिंगआव आवगायनो हादों



गोदान दिल्ली, 13 डिसेम्बर: थानाय 2 सप्ताहनिफ्रायनो मोजाडे दिन्थिफुनो हानाय भारतीय आइजो बेटमिन्ट डब्लस टीमनि गेलेगिरि आश्विनी पनाप्पा आरो तनिषा क्रास्टनि जराया बिडब्लिउएफ रैंकिंगआव मोनब्रे मासिनि खाबुजों आवगायनानै 24थि नम्बरआव सौहैबाय। 34 बोसोरनि आश्विनी आरो 20 बोसोरनि तनिषाआ सोलिफु बोसोरनि जानुवारि

दानावसो जुथायै सानैजों गेलेनायखों जागायदोंमोन। बिसेर सानैआ गुवाहाटी मास्टर्सआव चीना ताइपेनि सुं सुअ युन आरो यु चियेन हुइखों थोंजों सेटफोराव फेजेन्नानै 2थि सुपार-100 बिमुं आरो थामथि आइजो डब्लसनि बिमुं देरहानायवा जाफुदों। बिसेर सानैआ लक्ष्मीआव सैयद मदि इन्टारनेसनेल सुपार 300 टुर्नामेन्टआव रनार्स-आप जानो

हादोंमोन। बिसेर सानैनि मुडव गेलेनाय खेब 16 टुर्नामेन्टआव 44590 पइन्ट दड। भारतनिनो गायत्री गपिचान्द आरो त्रिश्रा जलीनि मुडव खेब 19 टुर्नामेन्टफोराव 49435 पइन्ट दड आरो बिसेर सानैआ 19थि नम्बरआव जायगा मोनो। लक्ष्य सेनआ थानाय 2 सप्ताहनिफ्रायनो कर्टनिफ्राय जानगायव थानायनि उनावबो मोनसे मासिनि खाबुजों 17थि नम्बरआव सौहैदों। एसियाव गेम्सनि सेम्पियन साल्त्क साइराज रेनकिरेडु आरो सिराग चेद्विनि जराया नैथि नम्बरआव जायगा मोन्दों। एइएसएस प्रनयआ सिंगेल रैंकिंगआव 8थि आरो पि.भि. सिन्धुआ 12थि नम्बरआव जायगा मोन्दोंब्ला, किडान्ति श्रीकान्तआ 24थि नम्बरआव जायगा आवगिरिनो हादों।

गोदान दिल्ली, 13 डिसेम्बर: गुगलआ बोसोर 2023 मायथाइयाव मुलुगनाडैनो बयनिखुइ बांसिन नागिर जानाय एथलीटफोरनि फारिलाइखों फोसावदों। बे बोसोराव माखासे गिदिर गेलेमु स्टारफोरा गिबि खों जादोंमोन जेराव क्रिस्टियान रनाल्डआ अल नासर आरो लियनेल मेसिजों लोपोसे इन्टार मियामीआव 'ज' जानानै मुलुगनाडै सोमोनाहोंदोंमोन। बवेखानि मुलुगनाडै बयनिखुइ बांसिन नागिर जानाय एथलीटफोरनि फारिलाइयाव फेयोब्ला सानैबोनि टाप 10 आव गैयैआ सोमोनांथाव। भारतनि क्रिकेट गेलेगिरि भिराट कहलि आरो रहित शर्मायाबो बे फारिलाइयाव गैया। भारतनि जाखोंफुनाय स्टार शुभमन गिलआ टाप 10 आव फेबाय। बे गोजों

## सुर्यकुमार यादव आरो रिंकु सिंहआ आइसिसि रैंकिंगआव आवगायदों

गोदान दिल्ली, 13 डिसेम्बर: भारत आरो खोला आफ्रिकानि गेजेराव सोलिबाय थानाय टी-20 सिरिजनि थाखाय आइ.सि.सि.आ मोनसे गोदान रैंकिंग फोसावदों। भारतनि टी-20 टीमनि केपेन सुर्यकुमार यादवआ दासिमबो मोजाडे गेलेगासिनो दड। फारसेथि पाकिस्ताननि महम्मद रिजवानआ बिनिफ्राय उनाव दं। रिंकु सिंहआ माखासे समनिफ्रायनो टी-20 आव गोखोंडेबेटिं खालामगासिनो दड। सुर्यकुमार यादवआ आइसीसीजों फोसावजानाय टी-20 रैंकिंगआव 10 रेटिं मोनो हादों। सिगाडव जेब्ला थानाय सप्ताहयाव रेटिं'खों फोसावनाय जादोंमोन अब्ला बिथानि रेटिंआ 855 मोन, जाय दा बानानै 865 जाबाय। खोला आफ्रिकानि हेंथायै नैथि टी-20 मेचआव सुर्यकुमार यादवआ 36 बलाव 56 रान बानायदों आरो बेनिफ्राय मुलाम्फा जादों।



पाकिस्ताननि महम्मद रिजवानआ 787 रेटिंजों नैथि फारियाव दड; जाय सुर्यकुमार यादवनिफ्राय जोबोद उनाव दड। थामहिनबा सुर्यकुमार यादवआ बिथाखों नम्बर 1 मासिनफ्राय बोखारनो रावबो बेटसमेनखों नुवाखें। खोला आफ्रिकानि एडेन मार्करामआ सुर्यकुमार यादव आरो महम्मद रिजवाननि उनाव थामथि फारियाव दं। बेनि सिगाडव एडेन मार्करामआ 756 रेटिंजों थामथि

जायगायाव दंमोन। बिथानि रेटिंआ एसे बांदों नाथाय बिथाड दासिमबो थामथि जायगायाव दड। पाकिस्ताननि बारग'केपेन बाबर आजमआ 734 रेटिंजों ब्रैथि मासियाव दड। खोला आफ्रिकानि रिली रसौआ 695 रेटिंजों बाथि फारियाव दं। इलेन्डनि गिबि गेलेगिरि डेविड मलानआ 691 रेटिंजों 6थि मासियाव गावनि जायगाखों लाखिबाय थारों। बेनि गेजेराव

टीम इन्डियानि ऋतुराज गायकवाडआ 7थि मासियाव थाबाय थारों। सिगाडव गायकवाडनि रेटिंआ 688 मोन आरो दा 691 जाबाय। फारिनि नैथि मेचआव गायकवाडआ खोला आफ्रिकानि हेंथायै गात्रि सावस्त्रिनि थाखाय गेलेनो हायाखेमोन। खोला आफ्रिकानि रीजा हेन्ड्रिक्सआ 674 पइन्टजों 8थि आरो इलेन्डनि केपेन जस बटलारा 666 पइन्टजों 9थि मासियाव दड। निजिलेन्डनि ग्लेन फिलिप्सआ 649 रेटिंजों जिथि थावनियाव दं। बेनि गेजेराव जुनिया बाथ्राया बेनोदि, लाइमोन बेटसमेन रिंकु सिंहआ टीम इन्डियानि स्टार गेलेगिरिफोरनि गेजेराव सासे गेलेगिरि महरै टप 100 आव हाब्याय। रिंकु सिंहआ 59थि मासियाव दावखोबाय आरो बिथानि रेटिंआ 464।

## शुभमनआ बोसोर 2023 मायथाइयाव गुगलआव बयनिखुइ बांसिन नागिर जानाय एथलीटफोरनि फारिलाइआव



थाखोनि बेटसमेननि थाखाय 2023 मायथाइया जोबोद मोजांमोन। बिथाड गासै मोनथाम फर्मेटआव भारतारि हानजायाव गावनि जायगाखों गोखों खालामदोंमोन। लोपोसे गासै मोनथाम फर्मेटआव

100 रान बानायदोंमोन। शुभमनखों इयुनिन स्टार महरै नायनाय जादों। बिथानि दिन्थिफुनाया 2023 मायथाइयाव टीम इन्डियानि गासै फर्मेटआव जाफुं सरनायाव गोनांथार बिफाव

लादों। शुभमनआ बोसोर 2023 मायथाइयाव गुगलआव बयनिखुइ बांसिन नागिरजानाय एथलीटफोरनि फारिलाइआव 9थि मासियाव दं। बवेखानि शुभमनआ बे फारिलाइआव गोजौसिन थाखोनि

क्रिकेटार नड। निजिलेन्डनि लाइमोन सेन्सेशन रचिन रविन्द्रआ 2023 मायथाइयाव मुलुगनाडैनो बयनिखुइबो बांसिन नागिरजानाय क्रिकेटार फारिलाइआव दं। बे समावनो एथलीटफोरनि गेजेराव बिथाड शुभमननिफ्राय से आगान गोजौआव 8थि थाखोआव थारोंमोन। बे फारिलाइनि गोजौसिनाव एन.एफ.एल. स्टार एस्फाल्ट हेमलिनआ दड; जाय बाफेलो बिलफोरनि थाखाय गेलेयो। बिथानि उनाव पेरिस सेन्ट-जार्मनि आरो फ्रान्सनि स्ट्राइकार किलियान एमबाप्पेआ दं, जेराव गुबुन सासे एन.एफ.एल. स्टार ट्रेविस केल्सेआ थामथि मासियाव दं। एनबीए स्टार जा मरान्टआ ब्रैथि, बायन म्युनिक आरो इलेन्डनि स्ट्राइकार हैरी केनआ 5थि मासियाव दड।



आसाम सरकार

## स्वास्थ्य सेवा अभियान-15, जरखा देहा बाद

नेसनेल हेल्थ मिशन, आसामआ देहा सिबिथाइनि थाखाय जर'खायै बिमा आरो गथ'फोरनि थाखाय खाबुफोर जैरे- अपतालमिक, डेन्टल आरो गुबुन खाबुफोरखों आसामनि सायख'नाय देहा खोन्डोफोराव मोनसेयै देहा सिबिथाइनि राहा जगायनाय।



माहारियारि देहा मावथांरि, आसाम

मुन्नि केशव महन्त  
मन्थि, देहा आरो  
नख'र अन्साइ, आसाम

## डिसेम्बर, 2023 दाननि थाखाय देहा बादानि जायगायारि फारिलाइ

Sl.	जिल्ला	केम्प-1	केम्प-2	केम्प-3	Sl.	जिल्ला	केम्प-1	केम्प-2	केम्प-3
1	बाक्सा	21/12/2023- लन्तिबारि संघ, बेटबारि एससि, गलागाव बिपिएइससि	22/12/2023- सरनजंगल, उपरसारिया, बिपिएइससि	28/12/2023- लन्तिबारि संघ, बेटबारि एससि, गलागाव बिपिएइससि	18	जरहाट	19/12/2023- भाहपाला मिडिल स्कुल, सालमापारा बिपिएइससि	19/12/2023- सिनानबर्तिनि जनजाति हाइ स्कुल, तिताबर बि पि एइस सि	25/12/2023- मुरमुरिया टिडि हस्पिटल, बागसुं बिपिएइससि
2	बजाली	19/12/2023- पाहुमारा हाइ स्कुल, करागारि, भवानिपुर बिपिएइससि	28/12/2023- आदर्श हाइ स्कुल धरमतला, नित्यानन्द बिपिएइससि		19	कामरुप मेट्र	22/12/2023- सोनाब बरागाव एलपि स्कुल, वेस्ट जन	28/12/2023- रगुनात चौधुरि हिन्दी स्कुल, बिरकुचि, इत्थ जन	29/12/2023- हेमन्त बरुवा एलपि स्कुल, केपिटेल जन
3	बरपेट	26/12/2023- 579 नं. चासरा एमइ स्कुल, चासरा, मानदिया बिपिएइससि	28/12/2023- दारुल हुदा इस्लामिक इडनिभार्सिटी, बरमाग, सेगा बिपिएइससि	29/12/2023- 937 मुहिया एलपि स्कुल, मुहिया, कलागसिया बिपिएइससि	20	कामरुप	19/12/2023- जलजाली हरि मन्दिर, रडिया बिपिएइससि	21/12/2023- बरमारय एमइ स्कुल, कमलपुर बिपिएइससि	22/12/2023- बार तेजपुर एलपि स्कुल, रामपुर बिपिएइससि
4	बिस्वनाथ	19/12/2023- बालिगाव जनजाति एमइ स्कुल, गहपुर बिपिएइससि	21/12/2023- बरपाम एमइ स्कुल, बिस्वनाथ सारिआलि बिपिएइससि	22/12/2023- बापुजि एलपि स्कुल, रौमारि, देहालि बि पि एइस सि	21	काबि आंल	16/12/2023- आपार देउपानि, बकाझान बिपिएइससि	22/12/2023- बिलुघाट एलपि स्कुल	29/12/2023- कसि तेरें एससि
5	बडाइगाव	16/12/2023- ग्रीन भेलि एकाडेमि, नामबेरापारा, सिजंग्राम बिपिएइससि	27/12/2023- पप्रागाव एमइ स्कुल, साप्राकाता एमपिएइससि	28/12/2023- अल आमिन प्रि सेनियर माद्रास, नासंगुरि, मानिकपुर बिपिएइससि	22	करिमगन्ज	16/12/2023- मुग्रापुर एमइ स्कुल, मुग्रापुर, कचुवाधाम बिपिएइससि	18/12/2023- 173 नं. करनमनि एलपि स्कुल, निलाम बाजार बि पि एइस सि	30/12/2023- स्केल डीलस स्कुल, पकिरा बाजार, गिरिजगन्ज बि पि एइस सि
6	काचा	16/12/2023- चतदुदपति एमजिएमएइस, उदारबन्द बिपिएइससि	20/12/2023- पालंघाट एमजिएमएइस, दलाइ बिपिएइससि	23/12/2023- कचुदारा एम जि एम एइस, सनाइ बि पि एइस सि	23	कक्राझार	19/12/2023- कक्सगुरि नं. 3 कर्मिजनिटि हल, कञ्जाव बि पि एइस सि	20/12/2023- मंलाझारा एलपि स्कुल, गसाइगाव बिपिएइससि	22/12/2023- बासबारि कमिउनिटि हल, बालाजान बिपिएइससि
7	शारइदेउ	21/12/2023- बिषनुपुर टिडि हस्पिटल, सापेकाति बिपिएइससि	22/12/2023- मुत्रापर टिडि हस्पिटल, पातचाकु बिपिएइससि		24	लखिमपुर	19/12/2023- कुक्साबारि एमइ स्कुल, धलपुर बिपिएइससि	21/12/2023- बागसुकु एलपि स्कुल, कनकन साकरि एइसडब्लिउसि	26/12/2023- 1 नं. धरमपुर एलपि स्कुल, बिहपुरिया बिपिएइससि
8	चिरां	19/12/2023- पाताबारि एमइ स्कुल, चिदली बिपिएइससि	21/12/2023- 1 नं. खाबदि एडब्लिउडब्लिउड सेन्टर, उलुबारि एसइससि		25	माजुली	28/12/2023- सालमरा युबक संघ		
9	दरं	21/12/2023- 2 नं. सुक्तागुरि एलपि स्कुल, सिफाझार बिपिएइससि	22/12/2023- 40 नं. मवामारि एलपि स्कुल, जलजलिया बिपिएइससि	24/12/2023- बाताबारि एमइ स्कुल, करुपेतिया बिपिएइससि	26	मरिगाव	16/12/2023- हेकु दांबारि एमइ स्कुल, बुरबन्धा ब्लक	16/12/2023- दक्षिन गराइमारि एलपि स्कुल लाहरिघाट ब्लक	28/12/2023- कान्दाकाइटि आरपिएइससि, झारागाव
10	धेमाजि	19/12/2023- हलाकबारि जनजातिय हाइ स्कुल, गगामुक बिपिएइससि	19/12/2023- बेंनाघरा एमभि स्कुल, बेंनाघरा बिपिएइससि	22/12/2023- निलक हाइ स्कुल, सिस्विबराव बिपिएइससि	27	नगाव	14/12/2023- साल'ना टिडि कमिउनिटि हल, सिमना बस्ती बि पि एइस सि	19/12/2023- साइदारीया एमइ स्कुल, सिंगिमारि बिपिएइससि	21/12/2023- 2 नं. इतापारा एलपि स्कुल, बुरागहाइतान
11	धुबुरि	19/12/2023- 1768 तुलुपारा एलपि स्कुल, रनिगन्ज बिपिएइससि	23/12/2023- बासिरुदिन बिद्यापित बानियामारि, गलागन्ज बिपिएइससि	30/12/2023- बगदहार एससि केम्पास, धर्मशाला बिपिएइससि	28	नलबारि	21/12/2023- पेगधरा हयार सेकेण्डरि स्कुल, मुकालमुवा बि पि एइस सि	21/12/2023- 2 नं. रडपालि एलपि स्कुल, गप्रापार बिपिएइससि	29/12/2023- रजाकट बानेकुशि एलपि स्कुल, कमकुशि बि पि एइस सि
12	डिब्रुगड	16/12/2023- कातालगुरि एमभि स्कुल, कवां बिपिएइससि	21/12/2023- सान्ति टिडि हस्पिटल, टेडघाट बिपिएइससि	22/12/2023- मदेर काट टिडि, लाहुवाल बिपिएइससि	29	शिवसागर	14/12/2023- चांमाइगाव, कालुगाव बिपिएइससि	19/12/2023- बमबारि एलपि स्कुल, दिमौ बिपिएइससि	28/12/2023- डिमासुरि एइस डब्लिउड सि, गौरिसागर बि पि एइस सि
13	डिमाहासाउ	19/12/2023- वापु एलपि स्कुल, माहुर् बिपिएइससि	21/12/2023- तानालामब्रा क्लाव, गुनजु बिपिएइससि	24/12/2023- सामकर गामि बाइखों, लांति बिपिएइससि	30	सनितपुर	19/12/2023- गथाइमारि एलपि स्कुल, नर्थ जामुगुरि	22/12/2023- दिगलजुलि एनपिएइससि, टिकियाजुली	28/12/2023- मनबर एलपि स्कुल, जाहामारि, बिहागुरि
14	गवालपारा	19/12/2023- बालतारघाट, मरनय बिपिएइससि	21/12/2023- जलेस्वर हाइ स्कुल, लकिपुर	28/12/2023- कारबाला, आगिया बिपिएइससि	31	साउट सालमारा	26/12/2023- सुकसार जिपि अफिस, गाजारिकान्दि बिपिएइससि	30/12/2023- तुमनि हाइ स्कुल, खोला सालमापारा बिपिएइससि	
15	गलाघाट	18/12/2023- राजाबारि टिडि 1, सरुपातर बिपिएइससि	28/12/2023- मलाइकुमार रंगमन्स, मिसामरा बिपिएइससि	18/12/2023- गनकराइ एमइ स्कुल, सरुपातर बिपिएइससि	32	तिनिचुकिया	16/12/2023- मनकवा टिडि हस्पिटल, काकपतार बिपिएइससि	19/12/2023- नलनि टिडि, हापजान बिपिएइससि	23/12/2023- 4 नं. नेपालि एलपि स्कुल, नासदिया बिपिएइससि
16	हाइलाकान्दि	28/12/2023- ब्रजापुर एमभि स्कुल, आलगापुर बिपिएइससि	29/12/2023- बाक्रिवार पिटि-III, कालिनगर बिपिएइससि	29/12/2023- क्वसिजि जिपि अफिस, साउट हाइलाकान्दि, कातलिसेग बि पि एइस सि	33	उदालगुरि	21/12/2023- अरांजाजुली टिडि एलपि स्कुल, कैराबारि बिपिएइससि	22/12/2023- कलापुर एलपि स्कुल, नं. 4 माजुली, उदालगुरि बि पि एइस सि	22/12/2023- शिलकाना बालादारि एलपि स्कुल, अरां बिपिएइससि
17	हजाइ	19/12/2023- बिबेकानन्द एलपि स्कुल, लंका बिपिएइससि	22/12/2023- बरबहा हाइ स्कुल, बरबहा बाजारनि साखाथि, जुगिजान बिपिएइससि		34	सोनाब काबि आंल	19/12/2023- चेरापातर एलपि स्कुल, दनकामकाम बिपिएइससि	22/12/2023- आमतेरें एलपि स्कुल, बैतालांय' बिपिएइससि	29/12/2023- उतांकुशि स्कुल, जिर्किन्डि बिपिएइससि